

Mogogou Ta **Yesu Kelesuha Jonkou Hegi**

Tawale Ta

Jon, ɛme tɔ tibi Patmoskou dalamou, Yesu Kelesuha emokou habage tama degegale ke hehegiei. Yobe, Yesukou damaleyodele i o sasai kediamе ho o kedia makomou haguei kaha degeimou, hagi hiyedo kaha die damaleyodei ke tou fogouye domou. Yesuha Jonkou hehegieibe, yonu boholou ma haguale hafei degeiba tama degegale ke hehegiei. Dimokou ne kegenou hehegili kuhe.

Kuguo kuokou be ta makai sudo dalagua. Damaleyodele i o sasai, afudo deleigui kedianou si ta makai kedia sibigebe olou fei kou tawale i sa degei. Godikou damaleyodele ili mei o kediage sibige ta tawale ili mei.

Habage tama degele, Yesuha Jonkou hehegiei keme kou gue:

Uwage sawisie kelegebe, Yesuha ho o olou fei woma mei degeiba dugulo ile. Ho o kediamе Tamaha e mogo dia.

Tamaha e sosou:

Tamaha e hu tabe Bei Kagasiou - 12:9.

Kolukuabe, tɔ ai hiyedo kokou ge felei - 13:1.

Emе Tamaha dabi degedi o.

Si So Gofonudo keme mihi dulemou ge felei - 13:11.

Ɛ h̄u tabe Ogoū gai Egei Toboū di Hiye O -
16:13.

Ene Tamahā dabai degedi o.

Yeskoū damaleyodele ili mei o sasaī - 11:18.

Godihā ɛ sosoū:

Godibe ɛ duwodi bolodo kotoū duwo - 12:5

Yesuhā ɛ h̄u tabe Wai Sipsip Wili - 5:6.

Ɛ h̄u tabe Wai Hos Fɔ Degei Kahā Tagetoū
Duwodi O - 19:1.

Ɛ dihobe douye woboloū dala sagaī kegei -
19:12.

Duo Bolofeī - 14:13.

Ɛsol o sudo - 5:11.

Ɛsol o tabe Maikel - 12:7.

Odo oloū feī 24 kege - 4:4.

Fiboū bi boloū boloū kege - 4:6.

Godihā o sasaī - 14:12.

Diamē Wai Sipsip Wili kahā sasaiyode to-
boloū idi - 19:7.

Yesuhā ho o oloū feī woma mei degeiba,
damaleyodele ili o sasaī kediam̄e diōū kegenoū
dalali, Godihā bi bolodo diamokoū neiba, fī
tofousogo tofousogo tofoloū ile. Hagī oloū feī mei
degele. Godihā sa sibigeboū agudioboū de gehē
miloloū kahā degemoū.

Yesuhā tā makai oloū feī kē Jonkoū hehegiema
mei degeimoū, ɛ kuguokoū kuhe nalaī. Jon ɛme
Yesuhage ɛ mogodoyode toboū di o. Jonbe odo
degeimoū ɛ kuguo kōū kuhe nalaī.

Jonhage kuguo oloū feibe huyosi kege nalagai
dala:

Ta Uwo Bolofei Jonha Nalaj
Egei Sasafei Jonha Nalama Nei
Egei Sasama Jonha Nalama Nei
Egei Koma Jonha Nalama Nei
Mogogou Ta Yesu Kelesuha Jonkou Hegi
(Keme kuguo kou.)

*Kuguo Mogogou Ta Hegi koumaha ta sibige
tanou tanou olou feibe kuhe:*

Ta Hiye 1-3

Yesu Kelesuha Jonkou, na egele ta kou
nalama, damaleyodele i o sasaj, sosi olou
fei dioyosi kege kokou kefegulo idi ke-
diamokou neyede tobou.

Ta Hiye 4-11

Wai Sipsip Wili kaha kuguo hebenitou dala
ke haguouba, sa sibige o sasaj olou fei hagi
gehe gehe dugulo ile.

Ta Hiye 12-20

Yesuha Tamabou e sosou bou olou fei
makoma mei degei.

Ta Hiye 21-22

Godiha bi olou feido haba gehenou milou
gale.

**Yesu Kelesuha Jonkou, na egele
ta kou nalama, damaleyodei o
sasaj, sosi olou fei dioyosi kege
kokou kefegulo idi kediamokou
ne**

(Ta Hiye 1-3)

¹ Ta, afu mogogou delei koꝑume Godiha Yesu Kelesukou hegi, Godiha dabai degedi o sasai kediamokou tama degeladi ke hehegieyadomou. Damaledo, Godiha Yesukou hegimou, e esol o ta tobou mou haguei, e dabai degedi o Jon amokou hehegieyadomou.

² Ame Jon. A bi olou fei Godiha hehegieimou, ma dihoje kou dugulu ke nimokou tobolou. A Godibou Yesu Kelesubou dilie ta ke damaledo nimokou tobolou kuhe.

³ Ta koꝑume Godiha ta, habage degeiba dugulo ta. O sasai koyo na kuguo koꝑu husoꝑuba, o ilo kelege dulo seseibabe, ni olou fei hohobou ma, yobe bi habage tama degele keme hafei degeli kaha degeimou.

Jonha kuguo koꝑu Yesukou damaleyodei o sasai, sosi olou fei dioyosi kege kokou kefegulo idi kediamokou nalama nei

⁴ Ame Jon. A Yesukou damaleyodei o sasai, sa Esia duo kodu sosi olou fei dioyosi kege kokou kefegulo idi nimokou nalama nelu. Godi eme afu yoꝑu kege delei, ifine yoꝑu kegenou dala, habage e haguale. Age e nimokou habagugueiba, ni bologuado dalaguale. Haba Duo Bolofei, e nele olou fei dioyosi kege, Godiha duwodi kaha midihokou tafaladi, ene nimokou habagugueiba, ni bologuado dalaguale ke tagali.

5 Yesu Kelesuha ni dogou guba, bologuado dalaguale kene a tagali. Eme Godiha ta damaledonou tobou di o. Eme tolo ilemou haguai o dagado. Sa sibige hiye o olou feine enou wolou daladi.

Yesu Kelesu ege dibe tagadido kaha e tolomou, e kafeiye di midihog kasagai olou fei igile mugu.

6 Yesu Kelesu e degeiye, dibe mogou du dalaguadi o degei. Damaledo, Godibe sugutou dalamou, o sasai hayedu dalaguamou, dibe duo kele dala. Yesuha e Aye Godibe di Hiye O, di wolou daladi. Yesuha hubou e nelebou debe hiyedo folodo. Di emokou tofousogo kegenou hohobou me. Damaledo.

7 Duguma, Yesu Kelesuha hagualebe, mabiye tigama migiba, sa sibige o sasai olou fei dioou die dihye dugulo ile. O malaye e figikou gulo i kediane dugulo ile. Sa sa obiyei olou fei duguoba, emokou fimaba gosolo ile. Habage kege degele. Damaledo.

8 Hiye O Godiha tobolou, ame amulo alikou bou habagekou bou de dala. Damaledo, Godi eme afu yoou kege delei, ifine yoou kegenou dala, habage e haguale. Godiha e nelebe hiyedo folodo.

Jonha Yesu Kelesu dugu

9 Ame ni eye Jon. Dibe Yesu sesele yolu kaha, hagi hiyedo dugulo ili, kenou si Godiha di wolou dalamou, di nele dege dalagua. A Godibou Yesubou dilie ta hehegiligibe, ame

damaleyodeiyodei kaha, damaleyodili mei o kedia a hele mugumou hagua, to tibi sa Patmoskou dala kuhe.

¹⁰ Hiye Oha sawisie ta kelege, Duo Bolofeiha ma duledu neledo degeimou, a diho bohoulou mamou, ma tobekou ge ta uwo hiyedo kibi haguasai sagai degeimou du.

¹¹ Ta uwo keme kou gue tobou mou du, midihou kagei kagei na dugulu keme olou fei kuguokou nalagama, damaleyodei o sasai, sa Efesusbou, sa Smernabou, sa Pergamumbou, sa Taiatairabou, sa Sardisbou, sa Filadelfiabou, sa Laodisiabou kele sosi dioyosi kege kokou kefegulo idi kediamokou neyedeimou du.

¹² Kege tobou mou dulomou, a o ke dugulamou, bohoulou mou dugube, kamai dioyosi kege, sele igi golye milou gai ke duwoguamou dugu.

¹³ Kamai dioyosi kege kaha duo kodube o ta O Kedia Dihi* sagai kaha tafalamou dugu. Eme yukuei sasado, sele igi gol fiyati бага milou kaha e biliokou silema kai dugu.

¹⁴ E widio towe olou feibe fo degei, wai sipsip towebou, mabi fo degeibou ke sagai. E diho douye wobolou dala sagai dugu.

¹⁵ E abogouube sele igi kopa, obe doulukou sili ke sagai dugu. E ta uwobe to si uwo sagai du.

¹⁶ E dobogouu delekou be kuidihou olou fei dioyosi kege tou dugu. E mogoudube aweki

* **1:13 1:13** Daniel 7:13

gofō^udo, me bolou kege ke bofa tafalamou^u dugu. E midihobe aso gofo^udo ke sagai dugu.

¹⁷ A o ke duguomou^u, e abogo^u hafei dege tolo fiyoumou^u, e dobogo^u dele ke amokou^u dogoguomou^u kou gue tobou^u mou du, gue degeda. Ame widio o, haba anou^u be habagekou^u do dala.

¹⁸ Ame yo^u kegenou^u daladi. Ame tolo ilemou^u hagua, gehe degemou^u tofousogo tofousogo dala kuhe. Todi kibou^u, Tofigiei Kedia Sa a so^uudi kibou^u debe anou^u tou dala.

¹⁹ A namokou^u bi ifi dalabou^u, habage tama degele kebou^u de hehegili, ko^uume na olou fei nala.

²⁰ Kuidiho dioyosi kege, na ma dobogo^u del-eye tou dugu keme kuidihodo mei. Kaha sibigebe esol o dioyosi kege. Esol o kediage damaleyodei o sasai, sosi dioyosi kege kokou^u kefegulo idi ke wou^u ma dalaguadi. Haba kamai^u dioyosi kege, sele igi golye milou^u gai keme kamaido mei. Kaha sibigebe damaleyodei o sasai, sosi olou fei dioyosi kege kokou^u kefegulo idi kedia.

2

Egele ta, Yesukou damaleyodei o sasai, sa Efeskou dalagua kediamokou nalama nei

¹ O a dugulu kaha haba amokou^u, nage damaleyodei o sasai, sa Efesus sosikou^u kefegudi kedia wolou^u daladi esol o kokou^u ta ko^uu nalama neyedei.

Dobogoŋu deleye kuidihō dioyosi kege tolou mōu, kamaj sele igi golye milou gai dioyosi kege kaha hohoya ke siadi o kaha nimokou tobolou kuhe.

² Midiho ni milou gadibou, dabai hiyedo ni degedibou keme a tewe. Ni ta dafadiyo mei, neledo dege dalaguadi. Nige o midiho kasagai milou ga idi kediamokou be ta hoho degediyo mei. Ogou gai o kedia dioŋusie diame tabolofei-mala-suluguadi-oyodele idi keme ni file dugube, diame ogou gai egei o dugu.

³ O ilo kelege ni kou makolamou degele idi, yobe ni ma huya ke dabai hiyedo degedi kaha degeimou. Kenou si a tewe, ni neledo dege dalaguali, amokou damaleyodei keme ta tou fogou li mei.

⁴ Kenou si, a nimokou kou gue tobou lamou. Ni yomogou damaleyodei kelegebe, amokou hoho hiyedo degele iye, ifibe ta kegeiyo meido.

⁵ Ni afu midiho bolonou milou mou hagulugi fiyei ke haba tawaleba, fi boholou ba, afu degedi ke haba degema. Ni kege ho fogou babe, a ile, kamaj nibou de dala ke boholou moloŋu.

⁶ Midiho tanou fei ni degedi keme bolodo. Nige ogou gai egei o Nikolasha dabai o kedia hehegili keme dafamou tobekou mugu. Ogou gai egei o kedia hehegedi keme, ane dafa.

⁷ O koyo na kihiyoubou debabe, Duo Bolofeiha Yesukou damaleyodei o sasai

kediãmokoū toboloū koŋū defeido du. Hebenikoū, Godihã hebe haimikoū hebe ta tafala. O sasaī koyo nā Tamãboū de biyama wini degeibabe, ā dogoū guoba, nā mā fī nedī hebe kolo kē gala nõubabe, name noŋū kegenoū dalali, fī tofousogo tofousogo tofoloū.

Egele tã, Yesukoū damaleyodei o sasaī, sa Smernakoū dalagua kediãmokoū nalama nei

⁸ O kahā haba amokoū, nãge damaleyodei o sasaī, sa Smerna sosikoū kefegudi kediã woloū daladi esol o kokoū tã koŋū nalama neyedei.

O eme widio o, haba enoū be habagekoū do dala. Eme tolo ilemoū hagua, gehe degemoū, yoŋū kegenoū dalali, nimokoū toboloū kuhe.

⁹ Nī hagiboū bi meiboū dugumoū hagulu keme ā koū tewe. Kenoū si nī fībe biboū. O nī susuga toboloū idi o kediãne ā tewe. O kediãge diãme koū Juda oyode toboloū idiye, kenoū si diãme Godihã o sasaī mei, ogoū gai egei toboloū idi o, Tamãhā tã dulo idi o sasaī.

¹⁰ Habage nī hagī duguloye, nī hoboū gue degedama. Duma. Tamãhā degeiye, ho o kediã nī o ilo kele didio degele ile. Keme Godihã nī tefele dugulo. Nī hagī hiyedo dugumoū iligi, sawisiei oloū feī 10 kege mei degele. Kenoū si nī damaleyodeibe toloū noū dalali toubã, ā hebe bolodo fī tofousogo tofoloū kē nele.

11 O koyo nā kihiyōbōu debabe, Duo Bolofeiḥa Yesukōu damaleyodei o sasai kediamokōu tobolōu koḥu defeido du. O sasai koyo nā Tamabōu de biyama wini degeibabe, ne fibe ta tolo ile mei.

Egele ta, Yesukōu damaleyodei o sasai, sa Pergamumkōu dalagua kediamokōu nalama nei

12 O kahaḥa haba amokōu, nage damaleyodei o sasai, sa Pergamum sosikōu kefegudi kedia wolōu daladi esol o kokōu ta koḥu nalama neyedei.

Aweki gofoḥudo, me bolou kaha e obou kaha nimokōu tobolōu kuhe.

13 Sa ni dala keme a kou tewe. Sa keme Tamahaḥa daladi saye, kenou si ni ma hu hilige tolou mou, amokōu damaleyodema, damaleyodei ke ta tou fogou li mei. Ni sa Tamahaḥa daladi kokou ge, ho oe ma ta tobou di o, e hu Antipas, woumou tolo i kelegene, ni amokōu damaleyodei ke ta tou fogou li mei.

14 Kenou si, a nimokou ta ilo kele tobou lamou. Midiho kasagai, o Balamha milou keme ni o ilo kelegene milolou idi. Ni tewe, o Balam e o Balakkou Israel o sasai ogou gaba, midiho kasagai milou mabdomou hegi. Kegemou, o Balakha Israel o sasai kediamokou ogou gai godikou gali sidi ke namabeede hehegiei. Haba

sasai hiyoubou, o hiyoubou siadi midihō kene hehegiei.*

¹⁵ Tabe, ogou gai egei hehegiedi o Nikolasha ta e dabai o kedia nimokou hehegiedi keme ni o ilo kelege dulo sesele idi.

¹⁶ Ni fi bohō ma. Fi bohō ho fogou babe, a nimokou toto ileba, ma aweki mogoudu dala kaha o kedibou de biyolugi ilo kele wouba tofigieiye.

¹⁷ O koyo na kihyoubou debabe, Duo Bolofeha Yesukou damaleyodei o sasai kediamokou tobolou kou defeido du. O sasai koyo na Tamabou de biyama wini degeibabe, a ou mana,* mogogou dala ke namokou nele. Igi fo degei ta kene a namokou nele. Igi kokou be hu gehe nalai dala. O koyo na, igi ke moubabe, nanou si hu ke tawale. O ilo kelege ta tawale mei.

Egele ta, Yesukou damaleyodei o sasai, sa Taiatairakou dalagua kediamokou nalama nei

¹⁸ O kaha haba amokou, nage damaleyodei o sasai, sa Taiataira sosikou kefegudi kedia wolou daladi esol o kokou ta kou nalama neyedei.

Godiha Dihi, e dihobe douye wobolou sagai, e abogoube sele igi kopa, obe bigimamou bolo degei ke sagai kaha nimokou tobolou kuhe.

* **2:14 2:14** Namba 22-24 * **2:17 2:17** Ou manabe nale, Israel o sasai kedia hebe mei mihinou sa kokou suluguamou, Godiha diamokou nei ke. Kisim Bek 16:4, 31

19 Ni midihobe a kou tewe. Ni niou sie yogo tagale idi kebou, amokou damaleyodei kebou, ni neledo dege dabal degedi kebou olou fei keme a tewe. Dabal ni ifi degele ilibe hiyedo, dabal ni afu degedi ke gabama feleido.

20 Kenou si, a nimokou ta kounou tobou lamou. Ni kile tie sasai ta, e hube Jessebel, sasai keme ni duguo fogou mou, ege yousiebe habage-degele-duguo-tobou disasiyodema, ma dabal degele idi o sasai kediamokou ogou gai egei, sasai hiyoubou, o hiyoubou siadi midihobou, gali obe ogou gai godikou sile nei ke nadi midihobou de hehegiendi.

21 Age sasai keme fi bohou yadomou kou dia deleiye, kenou si e dafai. E e o hiyou siadi midihokasagai ke tou fogolou be ta tagali mei.

22 Kegei kaha degemou, a degeiye, e do degeba, do hiyedo dugulo. Sasai ke hiyouye wolou siei o kediane fi bohou ho fogou babe, Diane hagi hiyedo dugulo.

23 Sasai kaha e sisigone* a wouba tofigile. Kegeiba, amokou damaleyodei o sasai nige ni fi tanou tanou olou feibe a file duguludade tawale ile. Midihokasagai milou gadibe hebe kasagaido nele. Midihokasagai milou gadibe hebe bolofeido ke nele.

24 Sa Taiataira o sasai ilo kele, ninou si

* 2:23 2:23 Sasai kaha e sisigodo mei, ogou gai egei dudi o sasai.

sasai kaha ogou gai egei ke seselemou, Tamaha mogogou tayodele idi keme ta dulo idiyo mei kaha degeimou, age nimokou be hagi ta nele mei.

²⁵ Kenou si, ni amokou damaleyodei ke hiligedo tolou dalali, a boholou ma haguale sawisie kokou dema.

²⁶ O sasai koyoha Tamabou de biyama wini degema, a sesele iligi uwage sawisie ke tama degeibabe, a emokou hu hiyedo ke neiba, e sa sa o sasai olou feido wolou dalale.

²⁷ Hubou o kegei kaha biya gofoudo ke tolou ba, o sasai neledo dege wou ma dalale. Obe mihi bilika ke biyaye fuba gagile filale sagai kenou tefei, hubou o kaha o sasai neledo dege wolou dalale. *Buk Song 2:9*

O sasai wolou daladi dabai, a o kegei kokou nele keme dabai ma Ayeha amokou nei sagai kenou tefei.

²⁸ Haba kuidihog ogo soyode tobolou idi kene a o kegei kokou nele.

²⁹ O koyo na kihyoubou debabe, Duo Bolofeha Yesukou damaleyodei o sasai kediamokou tobolou kou defeido du.

3

Egele ta, Yesukou damaleyodei o sasai, sa Sardiskou dalagua kediamokou nalama nei

1 O kahā habā amokoū, nage damaleyodei o sasaī, sa Sardis sosikoū kefegudi kediā woloū daladi esol o kokoū tā koŋū nalama neyedei.

Godihā Duo Bolofeī, e nelebe oloū feī dioyosi kege ke woloū daladi o, kuidihō dioyosi kege ke toloū dala kahā nimokoū toboloū kuhē.

Nī midihobē ā koū tewe. O sasaiyege nime fiboū dalaguayodili, kenoū si age nime tofigiei dalaguamoū dugulu.

2 Yogoū gua tiei kesigie haguama. Midihō bolofeī nī miloū gadi keme oloū feī mei degeladi. Haguaba, neledo dege tafalaguali, midihō doudo kenoū miloū gama. Yobe ā dugube, midihō nī miloū ga idi keme di Godihā dihīle kokoū be bolō mei kahā degemoū.

3 Egei nī dumoū haguei keme hoboū totoū degedama. Fī boholoū ba, tā bolodo ke defeido toū ma. Nī yogoū gua tiei kesigie haguā ho fogoū babe, ā nimokoū hiyou moŋudi oe haguadi sagaī kege haguale. Ā nimokoū haguale sawisiēi keme nīge ta tawale mei.

4 Kenoū si sa Sardis o sasaī ilo amokoū damaleyodemamoū, die yukuei sibigi degeli mei kediāsi yukuei fō degei ke kama, aboū de dalaguale. Yobe, diame Godihā dihīle kokoū doudo dalagua kahā degemoū.

5 Damaledo, o sasaī koyo nā Tamaboū de biyama wini degeibabe, ā yukuei fō degei diā kai sagaī ke namokoū kagile. Ne hu, Fihā

Kuguokou nalai dala keme a ta togule meido. A ma Ayebou e esol obou die dihile kokou ne hu husolo uba hegile.

⁶ O koyo na kihiyoubou debabe, Duo Bolofeiha Yesukou damaleyodei o sasai kediamokou tobolou kou defeido du.

Egele ta, Yesukou damaleyodei o sasai, sa Filadelfiakou dalagua kediamokou nalama nei

⁷ O kaha haba amokou, nage damaleyodei o sasai, sa Filadelfia sosikou kefegudi kedia wolou daladi esol o kokou ta kou nalama neyedei.

O bolofeido, Godiha tobou mou haguei keme damaledo tanou tobou di o. Eme hiye o Devitha ki tolou dala. A e so ubabe, o tae ta tefegulo sagai mei. A e tefegubane, o tae ta solo u sagai mei. O kaha nimokou tobolou kuhe.

⁸ Ni midihobe a kou tewe. Ni duguma, a a ta so ugou. A keme o tae ta tefele sagai mei. A tewe, ni nelebe huyafeiye, kenou si ni ma ta dulo seselemou, ma hu tobekou mugulo ili mei.

⁹ O sasai Tama sosou kediamme ni kou tewe. Diage diame Juda o sasaiyode tobolou idiye, kenou si diame Godiha o sasai mei, ogou gadi o sasai. A degeiye, dia nimokou haguasie, yubu sugulo fiya duwoguali, Hiye Oha ni tagaliyode tobolou ile.

10 Ta a n̄imokōu, n̄i āmokōu damaleyodei ke defeido tōu mabeedei keme n̄i tolōu mōu hagi duguomōu neledo dege deleigui kaha degeimōu, sa sibige o sasai olōu fei habage tefeledugulo keme a akoguba, n̄i ta dugulo ile mei.

11 A n̄imokōu hagualebe hafei degeli. Bi n̄i tou dala keme defeido tōu ma, kegeligi o tae n̄i hebe bolofei ke hiyouye moye.

12 O sasai koyo na Tamabou de biyama wini degeibabe, age name Godiha moso mouti sa dege tefegiba tafalale. Na Godiha moso ta tōu fogolōu meido, noŋu kegenōu dalali, tofousogo tofousogo tafalale. Tafalaba, a namokou ma Godiha hu ke nalale. Haba Godiha sa Jerusalem ebele, hebenitōu ge migile kaha hune namokou nalale. Haba ma hu ebele kene namokou nalale.

13 O koyo na kihiyoubou debabe, Duo Bolofeiha Yesukou damaleyodei o sasai kediamokou tobolou koŋu defeido du.

Egele ta, Yesukou damaleyodei o sasai, sa Laodisiakou dalagua kediamokou nalama nei

14 O kaha haba amokou, nage damaleyodei o sasai, sa Laodisia sosikou kefegudi kedia wolou daladi esol o kokou ta koŋu nalama neyedei.

Godiha ta damaledo-yodema, ta olou fei ke hehegiedibe damaledo tanou tobou di o keme bi olou fei, Godiha milou gai ke dia dalali, n̄imokou tobolou kuhe.

15 Midihō nī milōū gadibe olōū feī a kōū tewe. Nīme kulio degediyo mei, difi degeiyo mei, duo kegei. A tagalibe, nīme kulio dege dalale, haba, difi dege dalale.

16 Kenōū si, nīme duo kegei dalagua. Nī damaleyodeibe hiyedo mei, haba meido mei. Kegei kaha nīme mā sosōū mei.

17 Nīge nīme selebōū bibōū hiyedo dala o sasaj, bi tanōū ta tōū degediyo meiyodele idi. Kenōū si kege mei. Nīme selebōū bibōū mei. O iloye nīmokōū solōū do degele sagaj. Yobe, nīme bibōū mei, dihō du degei, yukueibōū mei, bese dalagua sagaj kaha. Kenōū si niōū ge ta tawale iyo mei.

18 Kegei kaha, nī mā sele igi gol, douye siligi sibigi olōū feīdo mei degei ke mamōūma, selebōū o degeba, yukuei fō degei ke mamōūma kama, sidifi dugudi ke mei degema. Haba dihō molane mamōūmaba, dihō du degei ke bolō dege duguma.

19 O sasaj a tagali kedīame a gofōū dege egele woma dōsusugadi. Kegeiba, nī fī bolōū madama. Fī bohōlōū ba, Godihā tā kenōū sesema.

20 Duguma, ame adikōū koga tafala. O koyo nā, mā tā uwo kōū duloba, a soūbabe, a folo, nabōū de dalali, da nalē nalā ile.

21 O sasaj koyo nā Tamābōū de biyama wini degeibabe, age nāme abōū de, mā duwodi bolōdo kotōū duwoyedele. A Tamābōū de kōū biyama

wini degemamōu, mā Ayeha duwodi bolodo kotōu duwo sagai kenōu tefele nane abōu de duwolo.

²² O koyo nā kihiyoubōu debabe, Duo Bolofeiha Yesukōu damaleyodei o sasai kediamokōu tobolōu koŋu defeido du.

**Wai Sipsip Wili kaha kuguo
hebenitōu dala ke haguoba, sa
sibige o sasai olou fei hagi gehe
gehe dugulo ile**

(Ta Hiye 4-11)

4

Diā hebenitōu ge Godikōu diho baga tobolōu i

¹ Jon a haba dugube, hebeni a soŋugou dalamōu, ta uwo, kibi uwo sagai amokōu dagado tobou sagai kahanōu haba, nā feleiba, a habage tamā degele ke namokōu hehegileyodeimōu du.

² Kege tobou mōu, Duo Bolofeiha mā duledu neledo dege tōu mōu, a diho bohōlōu mamōu dugube, duwodi bolodo ta hebenitōu dalamōu, kotōu Hiye O ta duwomōu dugu.

³ O ke duwo kaha hohobe igi kuidihō fai degei igi jasper galase hohō kebōu, igi konilian igi wei degei sagai kebōu kaha hohonōu tefei dugu. Haba siokoŋutine Hiye Oha duwodi bolodo ke silema dalamōu dugu. Siokoŋuti kene igi kuidihō fai degei emeral igi hebe guo gehe degei ke sagai dugu.

4 Haba duwodi olōu fei 24 kegene Hiye Oha duwodi bolodo ke silema dalamou, kotou be odo yukuei fo degei ke ka i olou feibe 24 kege duwoguamou dugu. Diame hiye oha heti sagai kegei, sele igi golye milou gai ke, die widiletou ka i dugu.

5 Hiye Oha duwodi bolodo kokou ge dibie biligile noumou fufuale uwo hiyedo degeimou du. Duwodi kaha midihokou be, disio mi olou fei dioyosi kege tefegiemou i wobolou dalamou dugu. Keme disio mido mei, keme Godiha Duo Bolofeiha nele olou fei dioyosi kege ke.

6 Hiye Oha duwodi kaha midihokou be, to dawala, galase sa degei duo tamanou ke dalamou dugu.

Haba fibou bi dosou yosi kege Hiye Oha duwodi bolodo ke hafei dege silema tafalaguamou dugu. Fibou bi dosou yosi kege kediamе diho sudo. Tobekou bou, midihokou bou olou feibe diho yenou dalamou dugu.

7 Fibou bi tabe fuse hiyedo laion sa degei. Tabe wai bulumakou oye wili sa degei. Tabe e midihobe o midihou sa degei. Tabe sio hiyedo mou si sa degei kaha fulou sumou dugu.

8 Fibou bi dosou yosi kege tanou tanou kedia, die tifiyiya olou feibe walaiyosi kege, die tou guebou be diho sudo, tifiyiya hayedune diho sudo dugu. Fibou bi kediage agalibou huliamebou olou fei, Hiye O Godi, eme nele hiyedo folodo.

Godi ɛme bolodo.

Godi ɛme afu yoŋu kege delei, ifine yoŋu kegenou dala, habage ɛ hagualeyode tobolou nou dalaguadi.

⁹ Fibu bi dosou yosi kege kedia o ɛ duwodi bolodo kotou duwo, yoŋu tofousogo kegenou daladi kokou hohobolou mou, ɛ hu hebele fougomou, bolofeyode tobolou nou dalaguamou,

¹⁰ odo olou fei 24 kege kediane o yoŋu kegenou daladi o, ɛ duwodi bolodo kotou duwo kokou yubu sugulo fiya diho baga tobolou idi. Hohobolou iligi, die heti duwodi bolodo kokou hafei dege dogoguomou kou gue tobolou idi,

¹¹ Name bolodo.

Name ei Hiye O, ei Godi.

O sasai olou fei namokou hohobolou ba, ne hu hebele fuguoba, ne hube hiyedo folodoyodele ile.

Yobe, bi olou fei ifi dala koŋume na noŋu ne tagaiya kenou milou gai kaha degeimou.

5

Jon ɛ kuguo folou ta dugu

¹ Kegemou a dugube, Hiye O, ɛ duwodi bolodo kotou duwo kaha ɛ dobogoŋu deleye kuguo folou ta tolou dalamou dugu. Kuguo keme ilokou bou ilokou bou de nalagai dugu. O tae kusieye domou, dioyosi kege tigama kuolou mai dalamou dugu.

² Ā haba dugube, ɛsol o ta, nele hiyedo kaha hiligedo kōu gue tobōu mōu du, kuguo folou kuolōu mai koꞑume o bolofeido koyohaṣi kusiale sagai?

³ Ɛsol o kaha kege kōu yodye, kenōu si hebeni obōu, sa sibige obōu, mihi hayemōu obōu olōu feibe kuguo folou ke kusia dugulo sagai o bolofeidobe ta dala meido.

⁴ Ā hiyedo gesei, kuguo folou ke kusia dugulo sagai o bolofeidobe ta dala mei kaha.

⁵ Ā gosoumōu, odo kile tanōu taha amokōu tobou, gosoda. Juda huṭi hiye kedia Fuse Hiyedo Laion ke dugu. Ɛme huḃōu o, hiye o Devitha sosou. Enōu si Tamabōu de biyama wini degei kaha, kuolōu mai dioyosi kege keme ɛsi kusiale sagai.

Jonha Wai Sipsip Wili dugu

⁶ Ā haba dugube, Wai Sipsip Wili ta dia woumōu tolo i sagai kaha Hiye Oha duwodi bolodo ke hafei dege tafalamōu, fibōu bi dosou yosi kege kediabōu odo kediabōu de ɛ silema tafalaguamōu dugu. Ɛ widiokōu be ikoke dioyosi kege, dihone dioyosi kege dalamōu dugu. Dihō dioyosi kege keme dihodo mei, keme Duo Bolofeiha nele olōu fei dioyosi kege, Godiha tobōu mōu, sa sibige kuokōu migigai ke.

⁷ Kegemōu, Wai Sipsip Wili kaha ile, kuguo folou kuolōu mai dioyosi kege ke, Hiye O, ɛ du-

wodi bolodo kotou duwo kaha dobogou deleye tolou dala ke mou.

⁸ E kuguo ke moumou, fibou bi dosou yosi kege kedibou, odo 24 kege kedibou de emokou yubu sugulo fiyasigei. Dia olou feibe gitabou sele igi gol melekibou de tolou i dugu. Meleki kodube bi ho bolodo ke sama dou migi kaha ho bolodo ke feleimou dugu. Keme Godiha o sasai kedia diho baga tobolou idi ke.

⁹ Dia yubu sugulo fiya duwoguali, die gehe ta kou gue feile i,

Nanou si o bolodo kuguo folou kou malaba,
kuolou maj dioyosi kege ke kusiale sagai.

Yobe, o kedia na woumou tolomou, ne kafeiye sa sibige o sasai,

huti gehe gehebou,

ta gehe gehe tobou dibou,

kolo gehe gehebou,

sa sibige kouubou olou fei mamalamou, Godikou nej kaha.

¹⁰ Na degeiye, o sasai na mamou kediam mogou du dalaguadi o degei.

Damaledo, Godibe sugutou dalamou,

sa sibige o sasai hayemou dalaguamou,

mogou du dalaguadi o kediam duo kele dalagua.

Ei Godi die Hiye O, ege dia wolou daladi.

Habage, diam sa sibigekou hiye o degema, sa sa o sasai olou fei dia dalaguale.

Dia Wai Sipsip Wili kaha hu hebele fogulo i

11 A haba dugube, esol o suudo kedia ta uwo du. Esol o suudo, hu so[uba hu solo[hu hobogolou sagai meido. Dia Hiye Oha duwodi bolodo kebou, fibou bi dosou yosi kege kediabou, odo 24 kege kediabou de silema tafalaguamou dugu.

12 Dia hiligedo kou gue tobolou i, Wai Sipsip Wili, obe woumou tolo i keme bolodo. Emokou nou si Godiha hu hiyedobou, bimai hiyedobou, tewe hiyedobou, nele hiyedobou de neleyodele i.

O sasaiyege e hu hebele foguoba, emokou hohobolou ba, bolofeyodemabeedei.

13 Kegemou, bi Godiha milou gai olou fei kediane ta i. Bi hebenitou dalaguadibou, sa sibige kuokou dalaguadibou, mihi hayemou dalaguadibou, to dawala tagetou dalaguadibou, dawala dulemou dalaguadibou olou fei kedia kou gue tobolou imou a du,

Di duwodi bolodo kotou duwodi Hiye Obou, Wai Sipsip Wilibou diliemokou tofousogo kegenou bolofeyode tobolou ba, dilie hu hebele foguoba, hohobolou ba, dilie hube hiyedoyodemebeede tobolou imou du.

14 Kegemou, fibou bi dosou yosi kege kedia damaledo-yode tobolou imou, odo 24 kege kedia yubu sugulo fiya duwoguali, diliemokou diho baga tobolou imou dugu.

6

Wai Sipsip Wili kaha kuguo folou kuolou mai walaiyosi kege ke kusigi*

¹ Kegemou, Wai Sipsip Wili kaha kuguo folou kuolou mai sasafei ke kusiumou, fibou bi dosou yosi kege kedia tanou taha na haguayede tobou mou dugu. E ta uwobe dibie ta sagai du.

² Kege tobou mou, o ta toubou ta wai hos fo degei kaha tagetou duwomou hagumou, esol o taha emokou hiye o heti ke neimou, e heti ke kamou, o kou biyama wini degeiye idi sagai kege ilemou, sudo biyama wini degegai.

³ Kegemou, Wai Sipsip Wili kaha kuguo folou kuolou mai sasama ke kusiumou, fibou bi sasama kaha na haguayede tobou mou,

⁴ o ta wai hos wej degei kaha tagetou duwomou hagumou, esol o taha emokou sa sibige o sasai kedia bologuado daladi midihou ke akoguba, dio[usie yogo wouba wouba demabadomou nele hiyedo nei. Dabai ke degele aweki sasado, me bolou kene nei.

⁵ Kegemou, Wai Sipsip Wili kaha kuguo folou kuolou mai komu ke kusiumou, fibou bi komu kaha na haguayede tobou mou, o ta tefegadi bi toubou kaha wai hos dosogo degei kaha tagetou duwomou hagumou,

* **6: (6:0 widio ta)** Kuguo folou kuolou mai uwage kusiei tabe ta hiye 8-kou dala.

6 fībōu bi dosōu yosi kege kedīa dalagua kilege ta uwo ta kōu gue tobōu mōu du, nā ile, ne dabai degeiba, o sasai dioŋu hegie hiyedo degele ile. Kegeba, dabai o kedīame sele hiye ta moloŋu mei. Dabai sawisieī tanōu tanōu degeli kaḥa selebe hiye mei, ōu sai tanōu fei mamōŋu de, segei sai kamadianōu mamōŋu de dele sagai dugulo. Kenōu si, nā hebe olivbōu, hebe wainbōu be makoda.

7 Kegemōu, Wai Sipsip Wili kaḥa kuguo folou kuolōu maji dosōu ke kusiumōu, fībōu bi dosōu kaḥa nā haguayede tobōu mōu,

8 o ta e hube Todi ke wai hos biye degei kaḥa tagetōu duwomōu hagumōu, o ta, e hube Tofigieī Kedīa Sa, ene o Todi sesele hagumōu, esol o taḥa diliemokōu hu hiyedo nei, sa ilo tanōu taḥa o sasai olōu fei woma mei degemabadomōu. Dilie aweki me bolōu kaḥa o sasai ilo kele wouba tofigile ile. Dilie degeye o sasai ilo kelebe hegieye tofigile, ilo kelebe doye tofigile, ilo kelebe si soye wouba tofigile. Haba sa ilo olōu fei kamadia kege o sasai be bolō dalaguale.

9 Kegemōu, Wai Sipsip Wili kaḥa kuguo folou kuolōu maji hou ke kusiumōu, o sasai afu damaleyodema Godiḥa ta hiligedo tolōu mōu hehegile idi kaḥa dowoye woumōu tofigieī kedīa fi olōu feibe Godiḥa dou moso hayedu dalaguamōu dugu.

10 Tei fi kedīa hiligedo kōu gue tobolōu i, Wolōu Daladi Hiye O, nāme bolōdo. Nā degeleyodei

keme na degelenou. Sa sibige o sasai ei woumou tofigiei kediane koboge ta sama, hebe kasagai ke diamokou toto nele?

¹¹ Kege tobou mou, esol o taha diamokou yukuei fo degei ke nemamou tobou, ni tafei dia dalama. Ni mogo diabou, Godiha dabai degele idi o sasai ilo kediabou olou fei, ho oe ni woumou tofigiei sagai kege, Diane Godiha maka degei sagai kege olou fei wouba tofigieiba, hobou ni kafei kaha hebe ke ho o kediamokou nele.

¹² Kegemou, Wai Sipsip Wili kaha kuguo folou kuolou mai walai ke kusiumou, gigima hiyedo hagumou, aso dosogo degemou, sa hulila degeimou, oguo wei degemou, kafei sagai degeimou dugu.

¹³ Haba kuidiho agudiletou dalaguadi kene mihikou tigilema fiyasigeimou dugu, wiye hebe kiyou kolo wei degeli mei ke gasai sagai degeimou dugu.

¹⁴ Agudione, kiata tigadi sagai kege tigama mei degeimou dugu. Sa sibige kuokou be, bitoubou, to tibi sabou olou fei awalemou, dio[u] die timou tou fofou gueimou dugu.

¹⁵ Kegegoumou, sa sibige o sasai olou fei kama fosigei. Sa sa o sasai wolou dalaguadi hiye obou, hiye o kedia sisigobou, ami o wolou dalaguadi hiye obou, selebou obou, hubou obou, bouse obou, dabai degele idi obou olou fei kedia bitoukou fosige ya ulouya, salahaiya kokou ya mogogou

duwoguamōu dugu.

¹⁶ Diā duwoguali, kōu gue tobolōu imōu dugu, bitōubōu bogobōu n̄ige Hiye O, duwodi bolōdo kotōu duwodibōu, Wai Sipsip Wilibōu dilie eimokōu gofoŋu dege haguasieiye domōu, n̄ige ei diōu guoba wōmogōu dalaguamabeede tobolōu imōu du.

¹⁷ Yobe, ifibe uwage sawisie, Godibōu Wai Sipsip Wilibōu dilie gofoŋu hiyedo degeba, eimokōu hebe kasagai ke neiba, tofigile kaha degemōu.

7

Israel o sasai olōu fei 144,000 kege Godiha maka degele i dala

¹ Kegemōu, sa sibige koŋumaha isimobōu isimōu bōu figi ilobōu ilobōu kokōu esol o olōu fei bolōu bolōu kege tafalaguamōu dugu. Diame wi olōu fei bolōu bolōu kege kaha mihibōu, tō dawalabōu, dibibōu kuokōu hagueiye domōu akoguo tafalaguamōu dugu.

² A esol o ta Godi yoŋu kegenōu daladi kaha maka ke tolōu mōu, aso haguluya ke felemōu, esol o bolōu bolōu kege, Godiha hu hiyedo kōu nelemōu, mihibōu tō dawalabōu de makomabeedei kediamokōu hiligedo kōu gue tobōu mōu dugu.

³ Ni asōu kolobōu, tobōu, dibibōu toto makodama. Ei di Godiha dabai degedi o sasai kediam

Godi you e bi degemabadeba die wodemeku
maka degema fogou ba, kuhe makoma.

⁴ Kegemu, a haba o sasai ilo die wodemeku
Godiha maka mou olou fei 144,000 kege kediamе
Israel hutu olou fei 12 kege kaha o sasai ilo
keleyode tobou mou du.

⁵ Judaha hutu o sasai be 12,000 kegeye maka mala
i.

Rubenha hutu o sasai be 12,000 kegeye maka mala
i.

Gatha hutu o sasai be 12,000 kegeye maka mala i.

⁶ Aserha hutu o sasai be 12,000 kegeye maka mala
i.

Naptaliha hutu o sasai be 12,000 kegeye maka
mala i.

Manaseha hutu o sasai be 12,000 kegeye maka
mala i.

⁷ Simeonha hutu o sasai be 12,000 kegeye maka
mala i.

Livaiha hutu o sasai be 12,000 kegeye maka mala
i.

Isakarha hutu o sasai be 12,000 kegeye maka mala
i.

⁸ Sebulunha hutu o sasai be 12,000 kegeye maka
mala i.

Josephha hutu o sasai be 12,000 kegeye maka mala
i.

Benjaminha hutu o sasai be 12,000 kegeye maka
mala i.

*O sasai sudo kedia Godikou diho baga tobolou
i*

⁹ Kegemu, a haba o sasai kefei sudo hu
solou hobogolou sagai mei, sa sa olou fei o

sasaibou, obiyei olou feibou, kolo gehe gehebou,
 ta gehe gehe tobou di o sasaibou olou fei kefema
 duwodi bolodo kotou duwodi Hiye Obou, Wai
 Sipsip Wilibou dilie midihokou tafalaguamou
 dugu. Diame yukuei fo degei ke ka imamou,
 fagai guo sagai ke tolou i dugu.

¹⁰ O sasai kedia hiligedo kou gue tobolou imou
 du,

Duwodi bolodo kotou duwodi Hiye O, di Godibou,
 Wai Sipsip Wilibou
 dilienou si di mamouudi.

¹¹ Esol o olou fei kediage Hiye Oha du-
 wodi bolodo kebou, odo 24 kege kediabou,
 fibou bi dosou yosi kege kediabou de silema
 tafalaguali, Hiye Oha duwodi midihokou yubu
 sugulo fiasigemou, miye duwoguali, Godikou
 diho baga tobolou imou dugu.

¹² Dia kou gue tobolou i,

Damaledo, dige di Godi emokou nou
 bolofeyodemaba, hohobou me.

Enou si tewe hiyedo.

Damaledo, di emokou nou bolofeyodema, e hu
 hebele fogume.

E hube hiyedo folodo.

Di Godibe nele hiyedo.

Godi eme youu kegenou dalale. Tofousogo
 tofousogo ta mei degele mei.

Damaledo-yode tobolou imou du.

*O sasai yukuei fō degei kai kediamē hagi hiyedo
kōu duguomōu mei degele i*

¹³ Kegemōu, odo 24 kege tanōu taha amokōu yodu, o sasai yukuei fō degei kai kediamē koyo diā? Kiliyage haguasiei?

¹⁴ Kege yodumōu, a sima tobou, hiye o, noŋusi teweyodeimōu, odo kaha amokōu haba tobou, o sasai kediamē hagi hiyedo duguo dalagua demamōu haguasiei. Die yukuei keme Wai Sipsip Wili kaha kafeiye bigima, sibigi olōu fei mei degemōu, fō degeinōu kuhe.

¹⁵ Kegei kaha degemōu,

Diā Godihā duwodi midihokōu tafalaguali,
Godihā mosodu agalibōu huliamebōu de dabai
degele idi.

Godihā yoŋu e duwodi bolodo kotōu duwoli,
diābōu de dalali, diā dia dalale.

¹⁶ Godihā diā wolōu dalababe,
diā hegie ta degele mei.

Huei nale sagaine ta degele mei.

Asō difine dugulo mei, bi taye degeiyene diā ta
difi degele mei.

¹⁷ Yobe, Wai Sipsip Wili, Godihā duwodi bolodo
ke hafei dege tafala kahaḡe o sasai ke-
diamē,

fi nedi huei sou sudo kokōu wōu ma ile, huei
nejiba,

Godihā die dihō huei ke olōu fei toḡueiba, diā
haba ta gosolo ile meido.

8

Wai Sipsip Wili kaha kuguo folou kuolou mai dioyosi ke kusiei

¹ Kegemou, Wai Sipsip Wili kaha kuguo folou kuolou mai dioyosi ke kusiumou, hebenitou uwo ta degeli meido dalali, aso ilokou i.

² A esol o olou fei dioyosi kege Godiha dihile kokou tafalaguamou, esol o tae diamokou kibi olou fei dioyosi kege ke nemou imou dugu.

³ Kegemou, esol o taha sele igi gol bilika ta mala hagua, Godiha dou moso ke hafei dege tafalamou, esol o taye bilika kodu ho bolodo mola hiyedo ke sagiemou, na dou moso, sele igi golye milou kuokou, ho bolodo mola sai kofu dogoguoba, ta Godiha o sasaiye diho бага tobolou idi kebou de tiagewoma, dou migiba dahai kaha yofu foloyode tobou mou dugu.

⁴ Esol o kaha kege degeimou, ho bolodo mola dou dahai kebou, diho бага tobolou idi ta kebou de tiagewoma foloumou, Godiha ho bolofei ke dulomou hohobou.

⁵ Dou dahai foloumou, esol o kaha Godiha dou moso kokou dou ta dilemou, bilika kodu sagiemou, sa sibige kuokou bohoulou mugumou, dibie biligile noumou fufuale uwo hiyedo degeimou du. Gigimane hagumou dugu.

Esol o bolou bolou kege kedia kibi haguisa i

⁶ Ɛsol o dioyosi kege, kibi tōu ma dalagua kedia kibi hagnosisamōu ama deleigui.

⁷ Kegemōu, Ɛsol o sasafei kaha e kibi hagnosisomōu, bilie huei,* igi sa degei ke huei todi sagai kege doubou kafeibou de sa sibige kuokou migi. Sa ilo tanou ta hebebou diobou olou fei douye nama mei degei. Haba sa ilo bolou kegebe bolonou delei.

⁸ Kegemōu, Ɛsol o sasama kaha e kibi hagnosisomōu, Ɛsol o tae bitou sasado, douye wobolou sagai ke to dawalakou hebele mugumou, to dawala ilo tanou ta kafei bagai. Haba dawala ilo bolou kegebe bolonou delei.

⁹ Miyebou galibou, to dawala ilo kafei bagai kokou deleigui olou feibe tofigile i. Mosolene olou fei to dulemou molou gou le i. Haba dawala bolou kege kaha galibou mosolebou debe bolonou deleigui.

¹⁰ Kegemōu, Ɛsol o komā kaha e kibi hagnosisomōu, kuidihō hiyedo disio mi sa degei agudiletou duwodi ke telema, sa ilo tanou ta tobou, huei soubou kokou fiyoumou dugu. Haba tobou, huei soubou de sa ilo bolou kegebe bolonou delei.

¹¹ Kuidihō kaha hube Afi. Kuidihō kaha sa ilo tanou ta kokou talekou fiyamou, to olou fei afi degeimou, o sasai sudo huei ke nama, tofigile

* **8:7 8:7** Kulio huei

imōu dugu. Haba tobōu sa ilo bolou kegebe bolonou delei.

¹² Kegemōu, esol o dosou kaha e kibi hagnosisomou, asobou, uguobou, kuidihobou ilo kele makoma mei degeimou, sa ilo tanou ta nugu. Haba asobou, uguobou, kuidihobou ilo kelege bolou delei, sa ilo bolou kegebe ta nuguli mei. Aso makoma mei degeimou, agali ilo tanou ta ke nugu. Haba agali ilo bolou kegebe bolonou delei. Huliame, uguobou kuidihobou olou fei kaha hoho ilo tanou ta mei degei. Haba hulia ilo bolou kegebe bolonou delei.

¹³ Kegemōu, a sio mou si ta kaha agudiletou fulou sulugi hiligedo kou gue tobou mou du, solou do solou do hiyedo, sa sibige o sasai nime niou tawaibou. Esol o kamadia kediane die kibi hagnosisaladi. Hagnosisa ibabe, sa sibige o sasai nime hagi hiyedo dugulo ile.

9

Esol o hou kaha e kibi hagnosisai

¹ Kegemōu, esol o hou kaha e kibi hagnosisomou, a kuidihou ta agudiletou ge fiyoumou, kuidihou kokou esol o taye a soudi ki neimou dugu. Ki keme ulou sogodo yosibou mei kaha a soudi ki.

² Kuidihou kaha a soudi ki kaha ulou sogodo ke a sougou mou, dou dahai dou hiyedo wobolou kaha dahai folodi sagai kenou tefe felemou,

asobou agudiobou gogumou sa olou feido hulia degeimou dugu.

³ Dou dahai koduge sigō sudo felegoumou dugu. Keme mou felegali mei, esol o taha ni sa sa olou fei yaba, homoguye o galadi sagai kenou tefe, sa sibige o sasai makomabeedimou felegai.

⁴ Sigō kedia yala degeimou, esol o kaha tobou, ni yaba, diobou, hebe guobou, bimai olou fei mihikou dala keme nadama. O sasai Godiha maka ke die wodemekou dala mei kedianou makomabeedei.

⁵ Ni o sasai galaba, do nele dalaguai, o guo houyosi kege mei degema, kenou si hobou wouba tofigiedama. Kegemou, sigō kedia yamou, o sasai kediamokou do hiyedo nele i. Do keme homoguye galai do sagai kenou tefei.

⁶ Kelegebe, o sasaiye tofigile sagai degeba, tolo a ka ileye, kenou si tofigile ile mei. Tofigile tagale ileye, kenou si todibe mei degele.

⁷ Kegeimou, a dugube, sigō kediamme wai hos biyalamou degele ili ke sagai degele i dugu. Die widiletou be hiye o heti, sele igi golye milou gai sagai kegei ke mugulo i. Die midihobe o midihō sagai degele i dugu.

⁸ Die widio towebe sasai kedia widio towe sasado ke sa degei. Die mene gofoudo, fuse sosouwedo laion* kedia me sagai.

* **9:8 9:8** Fuse sosouwedo laionbe o wodi fuse, sa dodou su degeiya ke suluguadi.

⁹ Die bilieḅe biyalamōu bilieḅ gogudi kuwo sagai kahaḅ gogulo i. Die tifiḅiya uwobe hiyedo, obe biyalamōu, wai hosye kalōu dufolōu ili uwo sagai du.

¹⁰ Sigoḅ kediaḅ hibiabe homogu hibia saḅ degei, ayeḅōu, kahaḅ o sasaiḅ tōu gueḅōu tahaleḅa, kōu kasagaiḅ keḅ sosōu gueibabe, do gofoḅudo dugulo ile. Sigoḅ kasagaiḅ kediaḅ oḅuo houyosi kege do neleḅ dalaguale. Die dedeḅibe die hibiakōu dalagua.

¹¹ Sigoḅ kediaḅme die hiye o dala. Die hiye obe eḅol o kasagaiḅ, ulou sogodo yosibōu mei kahaḅ obōu keḅ. Hibruḅ taḅeḅe, eḅol kahaḅ huḅe Abadon. Grikḅ taḅeḅe Apolion. Huḅ kahaḅ sibigeḅe Makodi O.

¹² Kegemōu, hagiḅ hiyedo sasafeḅibe mei degei. Kenōu si duma, niōu tawaibōu. Hagiḅ bolḅube habage tamāḅ degele.

Esol o walai kahaḅ eḅ kibi haguḅisai

¹³ Kegemōu, eḅol o walaiḅ kahaḅ eḅ kibi haguḅisoumōu, aḅ wai bulumakou ikoke dosōu yosi kege, dou mosoḅ sele igi golye milōu gai Godihaḅ dihiḅlekōu dala kokōu ge ikoke timiḅ kilege o tahaḅ taḅ uwo ta tobōu mōu du.

¹⁴ Taḅ uwo kahaḅge eḅol o walaiḅ, eḅ kibi tolōu tafala kokōu, naḅge eḅol o bolḅuḅ bolḅuḅ kege, toḅ hiye Yufretiskōu didiḅ degele i dalagua kediaḅme tōu fogōu yedei.

¹⁵ Eḅol o bolḅuḅ bolḅuḅ kege, sa sibigeḅ o sasaiḅ walamōu dia dalagua kediaḅme asoḅ dihoḅōu, sawisieibōu, oḅuobōu, sadeḅebōu de makai

kelegenoū ɛsol o taye toū fogoū moū, sa ilo tanoū taḥa o sasaī woma mei degelamoū yai. Haba sa ilo oloū fei boloū kegebe wouba tofigile ile mei, bolonoū dalaguale.

16 A dube, ɛsol o boloū boloū kediā, die ami o, wai hos tagetoū duwogua kediam̄e suudo, oloū feibe 200 milion kegeyode toboloū imoū du.

17 A dihō boholoū mā dugu kelegebe, ami o, wai hos tagetoū duwogua kediam̄e kuwoye die biliɛ gogulo i dugu. Biliɛ gogudi kuwo ilo kelegebe weī degei. Ilo kelegebe dosogo degei. Ilo kelegebe biye degei. Haba wai hos kediā widiobe fuse sosouwedo laion widio sa degele i dugu. Die mogouduge, douboū, dou dahaiboū, kasele igi difi hiyedoboū de felegoumoū dugu.

18 Ami o, wai hos tagetoū duwogua kediā ya, sa sibigē koꞑumahā ilo tanoū taḥa o sasaī oloū fei woumoū tofigile i. Wai hos kediā mogouduge dou dahaiboū, douboū, kasele igi difi hiyedo keboū kahā o sasaī woumoū tofigile i. Haba, sa sibigē koꞑumahā ilo boloū kegebe bolonoū delei.

19 Wai hos kediā, die biyadi nelebe die mogouduboū, die hibiakoū boū de dala. Die hibiabe bei sagaī, widioboū kahā o wala idi.

20 Kenoū si, o sasaī woumoū tofigile ili mei kediane ta fī boholoū ili mei. Ogoū gai godi, dioꞑū die dobogoꞑuye miloū ga idi kene ta toū fogoū le ili mei. Duo kasagaiboū, ogoū gai godiboū kediamokoū dihō бага toboloū idi

midihō kene ta tōu fogōu le ili mei. Damaleḡo, die ogōu gai godi ilo kelebe sele igi golye milōu gai, ilo kelebe sele igi silvaye milōu gai, ilo kelebe sele igi kopaye milōu gai, ilo kelebe igidoye milōu gai, ilo kelebe hebeye milōu gai. Kegele i kediamē ta baha idiyo mei, ta ta dulo idiyo mei, ta suluguadiyo meiyē, kēnōu si o sasai kedia ogōu gai bimai kokōu diho baga tobolōu idi.

²¹ O sasai kedia midihō kasagai milolōu idibe o wodibōu, hagai wodibōu, sasai hiyoubōu, o hiyoubōu siadibōu, bi hiyou moḡudibōu olōu fei kene ta tōu fogōu le ili mei, kegenōu degele idi.

10

Esol o tahā kuguo huyadefei ta Jonkōu neimōu nai

¹ Kegemōu, a esol o nele hiyedo ta, hebenitōu ge mabiye tigama migimōu dugu. E widiokōu be siokoḡutiye silemai dugu. E midihobe aso hoho sa degei. E ibigidione douye wobolōu sagai dugu.

² E dobogoḡukōu be kuguo huyadefei ta haguamōu tolōu hagumōu dugu. E abogoḡu delebe to dawalakōu tofogōu mōu, e abogoḡu fofogōu mihikōu tofogōu dalamōu dugu.

³ E hiligedo ta digio dege, fuse sosouwedo laionye tai sagai degema mei degeimōu, dibie dioyosi kege fufuomōu du.

⁴ A dibie dioyosi ke fufuei kaha tobou ke ma kuguokou nalalamou degeiye, kenou si hebenitou ge ta uwo ta kou gue tobou mou du, ta dibie kedia tobou keme nalada. Na fiyenou tawa.

⁵ Kegemou, a esol o, to dawalabou mihibou kokou tafalamou dugu kaha, e dobogo[u] dele ke hebenitou fogumou dugu.

⁶ Esol o kaha Godi yo[u] kegenou daladi kaha huya ke makamamou kou gue tobou, agudiobou e bimaibou, sa sibigebou e bimaibou, to dawalabou e bimaibou, olou fei milou gai o kaha huya ke uwage sawisieibe tama degeladi. Godihage ta dia dalale mei. Meido.

⁷ Damaledo, esol o dio kaha e kibi haguissouba, Godiha degeleyodei ta mogogou dala ke tama degele. Egei, Godiha e dabai degele idi o kediamokou kou tobou mou haguei sagai kenou tefele tama degele. Damaledo, habage-degele-duguo-tobolou-idi-o kedia tobolou idi sagai kenou tefele tama degele.

⁸ A ta uwo hebenitou ge tobou mou du kaha amokou haba, esol o, to dawalabou mihibou kokou tafala kaha dobogo[ukou] kuguo haguamai dala ke na ile mo[uyede] tobou mou du.

⁹ A ke dulomou, tafei teguomou, esol o kokou na kuguo ke amokou neyede tobou mou, esol o kaha amokou tobou, na kuguo ko[u] mala na. Noubabe, kule nai sebe sagai duguloye, kenou si name gua gaga degeleyode tobou mou du.

¹⁰ Kege tobou mōu, a kuguo ke mala nai. Kou kule nai sebe sagai duguye, kenou si gua gaga hiyedougu.

¹¹ Kegemou, esol o taye amokou tobou, nahabage tama degele ke, kolo esofei esofei o sasai bou, sa sa olou fei o sasai bou, ta esofei esofei o sasai bou, sa sa olou fei dia dalaguadi hiye obou olou fei kediamokou tobou yede tobou.

11

O bolou kedilie Godiha ta hehegiei

¹ Kegemou, esol o tae tefegadi biya ta amokou nelemou, nah ile, Godiha moso hiye bou, Godiha dou moso bou de tefegamaba, o sasai olou fei, kile diho baga tobolou idi kediane hu so uyede tobou.

² Kenou si Godiha moso kekaimidube tefeda. Yobe, kelebe Godikou damaleyodele ili mei o sasai kedia kefele idi timou kaha degeimou. O kedia haguasie, Godiha sa hiye kodu fologaba suluguali, ogo olou fei 42 kege mei degeiba, sa ke olou fei makoma mei degele.*

³ Godiha tobou, a ma ta hehegiedi o bolou kedilie tobou ba dilie solou do degedi yukuei kasagai ke kama ya, habage tama degele kaha ta ke hehegile iligi, sawisie olou fei 1,260 kege mei degele.

* **11:2 11:2** Oguo 42 kege keme sawisie 1,260 kege. Sawisie olou fei 1,260 kege keme sadebe olou fei 3 kege bou, haba ogo 6 kege bou de. Daniel 7:25, 9:27, 12:7; Luk 21:24

⁴ O bolou kediliebe hebe oliv bolou ke sagai, tabe diliebe kamai bolou, sa sibige dia daladi Hiye O Godiha midihokou tafalagua ke sagai.

⁵ O taye dilie walaba degeibabe, dilie mogouduge douye feleba wouba tolo ile. Kegei kaha, o koyoha dilie walaba degeibabe, douye kege wouba tolo ile.

⁶ Godiha diliemokou dedei hiyedo nei kaha degeimou, dilie Godiha ta habage tama degele ke hehegili kelege, huei todi akogubabe, huei tolo mei. Dilie dedeije to olou fei bohoulou ba, kafei degelenou. Dilie tagaiya ke dilie dedeije, hagi gehe gehe tama degeba sa sibige o sasai olou fei makolonou.

⁷ Kegemou, o bolou dilie Godiha ta hehegiema mei degeiba, si so, ulou sogodo yosibou mei kodu daladi kaha feleba, diliebou de biyolugi, dilie wouba tofigile ile.

⁸ Tofigieiba, dilie tou be sa hiye ta makai Sodobou Isipbou yodele idi kaha alikou tilaguale. Sa hiye keme dilie Hiye O hebe fufuguomaihou ikoke degele i sa ke.

⁹ Dilie tou keme tilaguaba sawisie kamadi-abou haba sawisie ta tolou ile agali duwo kegebou kelege o sasai sudo, kolo esofei esofebou, obiyei tanou tanou bou, ta esofei esofei o sasibou olou fei kedia dugulo ile. Duguoba, widale akogulo ile.

¹⁰ Damaledo, sa sibige o sasai kedia o bolou kedilie tofigiei ke duguoba, hoho hiyedo dege

yotile, dio^usie bi neⁱba neⁱba dele ile. Yobe, habage-degele-duguo-tobou di-o bolou kediliege diamokou hagi nele iligi tofigiei kaha degeimou.

¹¹ Kenou si sawisie kamadiabou haba sawisie ta tolou ile agali duwo kege ke mei degeimou, Godiha diliemokou fi gehe neimou, dilie hagua tofolou imou, o sasai kedia duguo kesigiemou gue hiyedo degele i.

¹² Dilie hagua tafalaguali, hebenitou ge ta uwo ta hiligedo, nele felemabeedemou dulo i. Kegemou, ho o kedia masele dalaguamou, dilie mabi timiya ke hebenitou fologai.

¹³ Kelegenou gigima hiyedo hagulugi, sa ilo tanou ta makoma, o sasai olou fei 7,000 kege woma mei degei. Haba sa ilo olou fei 9 kegebe bolonou deleigui. Kegeimou, o sasai tofigili mei kedia gue hiyedo degemou, hebeni Godiha hu hebele fogulo i.

¹⁴ Kegemou, hagi hiyedo sasamabe mei degei. Niou tawaibou. Hagi komabe hagaladi.

Esol o dio kaha e kibi hagnosisai

¹⁵ Esol o dio kaha e kibi hagnosisomou, a hebenitou ge ta uwo hiligedo kou gue tobolou imou du,

Sa sibige dia daladi o bolou kediliebe di Hiye Obou, yonu makai o Kelesubou dilie. Diliebe Hiye O degele i.

Di Hiye Oha sa sa olou fei tofousogo tofousogo kegenou dia dalale.

16 Kege tobolou imou, odo olou fei 24 kege, die duwodi kotou, Godiha dihile kokou duwoguadi kedia yubu sugulo fiya, miye duwoguali, Godikou kou gue diho baga tobolou i,

17 Hiye O Godi, ne nelebe hiyedo folodo.

Name afudo nou kegenou delei, ifine nou kegenou dala.

Ei namokou bolofeyodili.

Yobe, ne nelebe hiyedo. Name sa sibige olou fei dia daladi Hiye O degei kaha.

18 Sa sa o sasai, namokou damaleyodele ili mei kedia gofou degele idiye, kenou si ne gofoube tama degeli kehe.

Na tofigiei o sasai kedia ta salebe hafei degei kuhe.

Nage ne dabai degele idi o kediamekou hebe bolodo ke nemou ile. O kediame habage-degele-duguo-tobolou-idi-o kedia.

Damaledo, ne o sasai namokou gue degemou, ne hayedu dalaguadi kediame ilo kelebe hubou, ilo kelebe hubou meiye, kenou si na ne o sasai olou fei kediamekou hebe bolodo ke nele.

Haba o sa sibige o sasai wodi kediamekou be na hebe kasagai ke nele.

19 A odo olou fei 24 kege kedia kege tobou ma mei degeimou, esol o taye Godiha moso, hebenitou duwo kaha a ke soumou, Godiha mogo degedi bokisi ke tama degeimou, dibie biligile noumou fufuale uwo hiyedo degeimou

du. Gigimane hagumōu, bilie hueine, igi sa degei ke huei todi sagai kege migi.

Yesuha Tamabou e sosou bou olou fei makoma mei degei

(Ta Hiye 12-20)

12

Jonha sasai tabou bei kagasiou bou de dugu

¹ A midihō gehe ta agudiletōu ge tama degeimōu dugube, sasai tabe aso yukuei бага kai dugu, oguobe e abogou hayedu dalamōu dugu. Kuidihō olou fei 12 kege heti бага e widiletōu kai dalamōu dugu.

² Sasai keme dihi guokōu dalali, dihi mala felamōu gou goumōu du.

³ Kegema haba midihō gehe ta agudiletōu tama degeimōu dugube, bei kagasiōu hiyedo, wei degei kaha dalamōu dugu. Bei kagasiōu kaha e widiobe gou lu olou fei dioyosi kege. E widio tanōu tanōu kotōu be ikoke olou fei 10 kege kebōu, hiye o kedia hetibōu de kai dalaguamōu dugu.

⁴ A dugube, bei kagasiōu kaha e suwaye agudio figi ilokōu kuidihō olou feido ke sa sibige kuokōu kogosomōu dugu. Kuidihōbe agudiletōu olou fei kamadia kege kefeguo dogoguomōu, kefei boloube tōu dalamōu kefei tabe olou feido sa sibigekōu fiyasigei.

Kegemōu, bei kagasiōu kahage sasai kaha dihi mala feleiba, wala naleyodemamōu e midihokou dia tefelei.

⁵ Sasai kaha o dihi mala feleimōu, esol o taha dihi ke figamōu, Godiha duwodi bolodo kotou felei. O dihi keme hiye degeibabe, e biya gofoudo ke tolou ba, sa sa o sasai wolou dalale.

⁶ Dihi mala fogou imou, sasai ke hebe mei mihinou sa Godiha sasai ke sawisie olou fei 1,260 kege ke kokou dalaba e dia dalaleyodema timou milou gai kokou kama fou.

⁷ Kegemou, hebenitou ge, esol o Maikelha e mogobou dia bei kagasiou bou e esol obou de biyolugi,

⁸ bei kagasiou bou diame nele mei kaha degemou, diame biyadi tefei mei. Kegeimou diame hebenikou timou ke tou fogou le i.

⁹ Esol o Maikelha e mogobou dia bei kagasiou bou e esol o kediabou de biyolugi gaba tofogou mou, hebesoumou, sa sibige kuokou fiasigei. Bei kagasiou kaha e hube Tama. Afu yofu kegenou delei, ifine kegenou dala. Ogou ga tobou di o, sa sibige o sasai kediamokou midihokou kasagai milou gadi ke hehegiedi o.

¹⁰ Kegemou, a ta uwo ta hebenitou ge kou gue tobou mou du,

Ifibe di Godiha di mamou dala.

Godiha e nele hiye keme tama degemou, di wolou daladi O Hiyedo dala.

Godihā makai o Kelesu ɛne hūbōu nelebōu
hiyedo ke malāmōu, di wolōu dala.

Yobe, di mogo diā tā sadi o Tamā, ɛme ɛsol
o Maikelhā hebele mugumōu sa sibige
kuokōu fiyei kahā degeimōu.

Agalibōu huliamebōu ɛge Godihā dihile kokōu
tafalali, di mogo diā tā samōu haguabe
demōu, ɛme ɛsol o kedīā sa sibigekōu
hebele mugumōu fiyei.

¹¹ Di mogo diāge sa sibige kuokōu tafalagualebe
defej tagale idiyo mei.

Diā Wai Sipsip Wili kahā kafeibōu,
Godihā tā diā hehegie tobolōu idi kebōu de
fimāmōu be,
tofigile keme ta guɛ degele idiyo mei.
Kegeimōu, diā ile, Tamābōu de biyolugi, diā gaba
tofou.

¹² Kegei kahā degemōu,
hebenikōu tafalagua, nime hohobōu ma.
Sa sibigebōu tō dawalabōu kokōu tafalagua,
nime niōu tawaibōu,
Tamābe kele mulomōu, nīmokōu gofo□u hiyedo
dege dala,
ɛme asō diho tou degefeī dalale ke tewe kahā
degemōu.

¹³ Bei kagasiōu kahā ɛse sa sibige kuokōu
hebele mugulo idade tawalemōu, sasaj, o dihi
malā felej ke makolāmōu sesele siei.

¹⁴ Sesele sumōu, ɛsol o tahā sasaj kokōu sio
mōu si hiyedo kahā tifiyiya bolōu neī, ɛ hebe mei

mihinōu sa kokōu fulōu iba, dia dia dalaguali, sadebe olōu fei kamadia kegebōu, haba oگو walaiyosi kegebōu de mei degedemamōu. Sa keme ahudo sa, bei kagasiōu ha ile sagai mei sa kokōu fogōu iyadomōu.

¹⁵ Kegemōu, bei kagasiōu ha mogouduge huei hiyedo to gihoūdi sagai kenōu tefe felei, gihoūma sasai ke woyadomōu.

¹⁶ To gihoū kaha e sesele imōu, mihiyenōu e dogōu guo, mihi yoūnōu a soūgōu mōu, huei, bei kagasiōu ha mogouduge felei ke mihi dulemōu mulugi mei degei.

¹⁷ To ke gihoūma mei degeimōu, bei kagasiōu ha emokōu gofoū hiyedo degemōu, sasai kaha sisigo ilo kediabōu de biyalamōu i. Sisigo keme Godiha ta dia dumabeedei kebōu, haba Yesuha tabōu de tolōu suluguadi o sasai ke.

¹⁸ Kegemōu, bei kagasiōu keme ile, to hiyedo ko kokōu tefe lei.

13

Kolūkua bōu si so gofoūdobōu dilie felegai

¹ Kegemōu a kolūkua ta to hiye komōu ge feleimōu dugu. Kolūkua kaha e widiobe olou fei dioyosi kege. E widio tanōu tanōu kokōu be ikoke 10 kege dalagua. Haba ikoke tanōu tanōu kokōu be hiye o kedia hetibōu nōu dala. E widio olou fei dioyosi kege kokōu be hu nalagaibōu nōu

dalamoū dugu. Hū nalaḡai kahā ē sibigēbe Godi huyafēi degedi hū.

² Kolukuā ā dugu keme fuse hiyedo ta lepat-yodele idi kē sagaī kegei. Ē abogōube hiyedo, dibi so hiyedo bea abogōū sagaī kegei. Ē mogoune hiyedo, fuse sosowedo laion kediā mogou sagaī kegei, mē gofōudo. Bei kagasioū hagē yōū ē nelē kē kolukuā kokoū neī. Haba, yōū ē hū hiyedo keboū, yōū ē timoū keboū dene kolukuā kokoū neī, ege sa sibigē ō sasaī woloū dalayadomoū.

³ Kolukuā kahā widio tanoū ta kokoū be, obe woma fogou dolouboū dalamoū dugu. Sa sibigē ō sasaī oloū fēi kediāne duguo kesigiemoū ē sesele yai.

⁴ O sasaī kediā kolukuā kē sesele ya, bei kagasioū koū yubu sugulo fiya duwoguali, dihō bagā toboloū idi, bei kagasioū hagē kolukuā kokoū hū hiyedo neī kahā degeimoū. Haba kolukuā kokoū ne yubu sugulo fiya duwoguali, dihō bagamoū, kolukuā ene hū hiyedo folodo, o tae gabama folo sagaī mei. O tahā eboū de biyale sagaī meiyode toboloū idi.

⁵ Kegemoū, Godihā gule duguo fogoū moū, kolukuā kahā yōū ē hū kenoū hebele foguomoū, Godihā hū kē huyafēi dege dalali, ogōo oloū fēi 42 kege mei degei.

⁶ Damaledo, kolukuā kahage Godiboū, Godihā huboū, Godihā sa hebeniboū, hebenitoū dalagua

kediabou de huyafei degelamou tobou mou i.

⁷ Godiha ke duguo fogou mou, kolukua ke nele hiyedo mou, Godiha o sasabou de biyolugi woma mei degeyadomou. Haba e obiyei tanou tanou o sasabou, kolo esofei esofei o sasabou, ta esofei esofei o sasabou, sa sa olou fei o sasabou de wou ma dalayadomou hu hiyedo ke nei.

⁸ Godiha sa sibigebou agudiobou milou li mei kelege, o sasai die hu Fihā Kuguokou nalai dala mei kediame kolukua kokou yubu sugulo fiya duwoguali, diho baga tobolou ile. Fihā Kuguo keme Wai Sipsip Wili, oe woumou tolo i o kaha e kuguo.

⁹ O koyo na kihiyoubou debabe defeido du.

¹⁰ Godiha o didio degedema makai debabe, o keme didio degele.

O awekiye wouba toloyodema makai debabe, o keme awekiye wouba tolo ile.

Kege degegoubabe, Godiha o sasai di neledo dege dalaguali, di damaleyodei ke defeido tou me.

¹¹ Kegemou, a si so gofoudo ta mihi dulemou ge tama degeimou dugu. Si so gofoudo kaha e widiokou ikeke bolou kege keme wai sipsip wili ikeke sagaiye dalamou dugu. E tabe bei kagasiou ha tanou tefei.

¹² Si so kaha mihi dulemou ge tama dege felemou, kolukua kaha dihiile kokou tefei. Kolukua kaha si so kokou nele hiyedo ke nelemou tobou mou ile, sa sibige o sasai kediamokou tae famou, ni kolukua e widiokou oe

woma fogou doloubou kokou yubu sugulo fiya duwoguali, diho baga tobou mabeede tobou.

¹³ Si so kaha midihō gehe gehe hiyedo milou gai. E degeiyene dou agudiletou ge migimou, o sasai olou feido kedia dugulo i.

¹⁴ Godiha duguo fogou mou, si so kaha hu hiyedo malamou, ogou gai ta tobou mou be, sa sibige o sasai kediage e tabe damaledoyade tawale idi. Yobe, e kolukua dihile kokou midihō gehe gehe milou gadi kaha degeimou. E sa sibige o sasai kediāmokou, ni kolukua, awekiye woumou tolo ilemou haguai kaha, e hu keme ni hebele foguoba, igi kolukua ke baga milou mabeede tobou.

¹⁵ Godiha duguo fogou mou, si so kaha kolukua baga milou igi kokou fi nei, igi kaha ta tobou ba, o koyo dia igi kokou yubu sugulo fiya duwoguali, diho baga tobou ho fogou babe, fibou igi kaha degeiye, diame tofigile.

¹⁶ Kegemou, si so gofo[]udo kaha e dabai degedi o kediāmokou tobou mou ya, o sasai olou fei tae fisilemou maka ta magamou i, o sasai kedia dobogo[]u deleyabou, wodemeyabou maka magamou i. Hubou obou, hubou mei obou, selebou obou, sele mei obou, bose obou, dabai degedi obou olou feido maka ke magamou i.

¹⁷ Maka degegāmou, e kou gue tobou, o sasai koyo dia kolukua kaha hu nalai kebou mei deba, haba e hu kaha maka kebou mei debabe,

o kaha yogokou bi ta tiga molou mei, ha bi ta tiga nele mei.

¹⁸ Di olou fei defeido fimame. O koyobe tewe o debabe, o kahage kolukua kaha e hu maka ke defeido souba, hu kaha sibige ke tawame. Hu maka keme o taha maka. Hu kaha makabe 666.

14

Wai Sipsip Wili kaha o sasai kedia die gehe ta feile i

¹ Haba kegemou dugube, Wai Sipsip Wili keme bitou Saionkou tafalamou dugu. O sasai 144,000 kege, Wai Sipsip Wili kaha hubou e Aye Godiha hubou de die wodemekou nalaga i dala kediamе ebou de dalaguamou dugu.

² A ke duguomou tafalali dube, uwo ta hebenitou ge hagumou du. Uwo keme to si hiyedo kaha uwo sagai kegeimou du, dibie uwo sagai kegei du. Uwo a dube gita sudo wala ili uwo sagai kegei du.

³ Kegemou, o sasai kediage Hiye Oha duwodi midihokou bou, fibou bi dosou yosi kegebou, haba odo olou fei 24 kegebou kedia dihile kokou tafalaguadi, die gehe ta feile i. Die keme o tae ta tawale sagai mei. O sasai 144,000 kege, Godiha sa sibige kuokou ge mamou kedianou si die ke tawalemou feile i.

⁴ O kediamе sasai hiyou suluguadiyo mei. Die duledu sibigi ta dala mei, Godiha dihile kokou doundonou dalaguadi. Diamе Wai Sipsip Wili

kahā sulu kenōu sesele suluguadi. O sasai kediamē bi yomogōu do, Godihā Wai Sipsip Wilibōu dilie biyodemamōu mamou.

⁵ Diame ogōu gadi o sasai mei. Die duledube sibigi ta dala mei.

Esol o kamadia kege kedia egei tobolou i

⁶ Kegemōu, a dugube, esol o ta agudiletōu fulōu sumōu dugu. Esol o keme egei hehegie siadi o. E Godihā tā bolofei, yoŋu kegenōu dalale ke, sa sa olōu fei o sasai bōu, obiyei tanōu tanōu o sasai bōu, tā esofei esofei tobou o sasai bōu, kolo esofei esofei o sasai bōu kediamokōu hehegie siadi.

⁷ Esol o kahā hiligedo kōu gue tobōu mōu du, Godikōu gue degeba, e hayedu dalali, e hu hebele foguma, e tā salebe hafei degeli kahā degeimōu. Agudiobōu, sa sibige bōu, to dawalabōu, to soubōu olōu fei milōu gai o kokōu ni yubu sugulo fiya duwoguali, diho бага tobōu mabeede tobou.

⁸ Kegemōu, esol o sasama kahane hagua tobou, sa hiyedo Babilonkōu be, moso olōu fei biligilemā fiasigei. Sa kahage e sasai hiyou degedi midihō ke sa sa o sasai olōu fei kediamokōu hehegieimōu, diame tigi kolo huei gofoŋudo namā fi totōu degedi sagai kenōu tefele idi.

⁹ Kegemōu, esol o komā kahane e mogo dilie sesele hagua, hiligedo tobou, o koyohā kolukuabōu, haba e бага milou igi kokōu bōu

yubu sugulo fiya duwoli diho бага тобоу di deba, haba e maka ke dobogoуу deleyabou, wodemeyabou ke mou dalababe,

¹⁰ Godiha tigi kolo huei gofoууdo ke dou la, o kokou neleba nayede tobolou. Damaledo, Godiha kopekou e gofoуу hiyedo sou gu amamai ke neiba, e hagi hiyedo dugulo. Godiha esol o kediabou, Wai Sipsip Wilibou, die dihle kokou ge doubou, kasele igi difi hiyedo kaha nouba, do hiyedo dugulo.

¹¹ O sasai kolukua kokou yubu sugulo fiya duwoguali, diho бага тоболу idi kediamе douye nouba, dou dahai hiyedo ke folobe ta mei degele mei, youуу kege folonou dalale. O sasai kolukua бага milou igi kokou diho бага тоболу idibou, e maka ke mou dalaguabou kediane kegeinou dugulo ile. Damaledo, agalibou huliamebou kegenou dalale. Do hiyedo dugulo ile. Ta misiholo mei.

¹² Kege degegoubabe, Godiha o sasai dibe neledo dege tafalaguali, di damaleyodei ke defeido tou me, dibe Yesukou damaleyodemamou, Godiha ni dumabeedei ke dulo sesele idi kaha degemou.

¹³ Kegemou, a ta uwo ta hebenitou ge amokou kou gue tobou mou du, na kou gue nala, o sasai Hiye Okou damaleyodei dalaguali tofigile ile kediamе hohobolou ile. Ifi yoma habage ke ilebe youуу kegenou dalaguale. Duo Bolofejhane kou gue tobou, o sasai kedia dabai hiyedo degele

idi, keme mei degema, misiholo duwoguale, yobe midihō bolofej dia milōu ga idi keme diabōu de ili kaha degemōu.

Sa sibige koꞑumaha nale suwi degei ke moloꞑu sawisie

¹⁴ Kegemōu, a dugube, mabi fō degei ke dugu. O ta mabi kotōu duwei keme O Kedia Dihi* sagai kaha duwomōu dugu. E widiletōu be hiye o kedia heti, sele igi golye milōu gai ke muguomōu, e dobogoꞑuye aweki tafado ta tolōu duwomōu dugu.

¹⁵ A ke duguo masele tafalamōu, esol o ta Godiha mosoduge migile tamakōu tafalali, mabi tagetōu duwo o kokōu hiligedo kōu gue tobou, sa sibigekōu nale olōu feibe suwi degei kaha degeimōu, na ne aweki malaba olōu feido kege diafigiyede tobōu mōu du.

¹⁶ Kege tobōu mōu, o mabi tagetōu duwo kaha e aweki tolōu, sa sibigekōu bale mulomōu, nale suwi degei ke olōu feido kege diafigi.

¹⁷ Kegemōu, a esol o tane Godiha moso, hebenitōu duwo koduge migile tamakōu tafalamōu dugube, aweki tafa degei ke tolōu tafalamōu dugu.

¹⁸ Aweki tolōu tafalamōu, esol o ta Godiha dou moso ke tōu fogōu haguei. Esol o keme dou dia daladi o. E hagua, esol o aweki tafa degei tolōu tafala kokōu hiligedo tobou, sa sibigekōu

* **14:14 14:14** Daniel 7:13

be, hebe kolo olou fei keme suwi degei dala kaha degeimou, na ile, ne aweki tafa degei kaha diafigiyede tobou.

¹⁹ Kege tobou mou, esol o kaha e aweki tolou, sa sibigekou bale mulomou, hebe kolo suwi degei ke diafigima kefeguomou, mihi dai kodu hebesai ke obe kotou tofou tofolou i dugu. Ke degei kaha sibige keme Godiha gofoube hiyedoyode hegi.

²⁰ Mihi dai keme sa hiye kaha hagulekou dala kodu hebesama tofou tofolou imou, kafei hiyedo folo, to gihou sagai kahanou iligi, sa ahudo, kilomita olou fei 300 kege gogu. Kafei kaha hilo foulugi, o widiobou de tefele fogou.

15

Esol o kedia hagi olou fei dioyosi kege tou ma tafalagua

¹ Kegemou, a hebenitou midihou gehe ta tama degeimou duguo kesigi. Esol o dioyosi kege kedia hagi hiyedo dioyosi kege tou ma tafalaguamou dugu. Hagi dioyosi kege keme uwagedo, sa sibige o sasai kedia duguma mei degeibabe, Godiha e gofoune olou fei mei degele.

² Kegemou, a haba to dawala, galase hohou sagai komou dou sagai wobou mou dugu. O sasaine gita, Godiha diamokou nei ke tou ma, dawala biya kokou tafalaguamou dugu. O sasai kediamme kolukuabe gabama felei. E бага milou igi kokou

be ta diho бага тоболу idiyo mei. E hu kaha
 maka nalai kene die tou guebou ta dala mei.

³ Diа тaфaлaгuaли, Wai Sipsip Wili kaha die,
 Godiha dabai degedi o Mosesha afu kou gue fei
 ke feile imou du,
 Hiye O Godi, ne nelebe hiyedo folodo.
 Na dabai hiyedo degegoumou be, ei duguomou
 kesigile idi.

Name sa sa o sasai kedia wolou daladi o.
 Ne midihou olou feibe doundonou, damaledonou.
 Ta na tobou dibe, damaledo ta kenou tobou di.

⁴ Godi name tanou fei, nanou si bolodo.

O sasai olou fei namokou gue degeba, ne hayedu
 dalali, ne hu hebele fogulo ile.

Sa sa olou fei o sasai kedia namokou haguasie,
 yubu sugulo fiya duwoguali, diho бага
 тоболу ile.

Yobe, midihou doudo, na milou gadi keme tama
 degei kaha degeimou.

⁵ Kegemou, a kuolou moso, hebenitou ge
 Godiha falai mosodu dala kaha a keme sougou
 mou dugu.

⁶ A sougou mou, a esol o dioyosi kege kedia
 hagi hiyedo dioyosi kege ke tou ma haguasie
 tamakou tafalaguamou dugu. Yukuei fo degele
 i ka i ke, fiyati sele igi golye milou kaha tufoguo
 kama tafalaguamou dugu.

⁷ Esol o dioyosi kege kedia tafalaguamou, fibou
 bi dosou yosi duo kile tanou tahage Godiha
 gofou hiyedo ke mekeki, sele igi golye milou

dioyosi kege kokoū sai ke mōumā nemōu i. Godi eme yōu kegenoū daladibe, ta mei degele mei.

⁸ Meleki ke nemōu imoū, Godihā e hohoboū e neleboū keme dou dahaj̄ sagaj̄ kegei kahā Godihā mosodu amama dalamoū, o tae ta Godihā moso kodu folo sagaj̄ kegele mei. Keme kegenoū dalali, esol o dioyosi kege kediā hagi dioyosi kege ke oloū fei sa sibigekoū bohoū sama mei degeibasi.

16

Esol o kediā Godihā gofōu, meleki dioyosi kege sai ke sa sibigekoū bohoū sa i

¹ Kegemoū, a ta uwo ta, Godihā mosoduge esol o dioyosi kege kediamokoū hiligedo koū gue toboū moū du, ni ile, Godihā gofōu, meleki dioyosi kege sai ke, sa sibigekoū bohoū samabeede toboū moū du.

² Kegemoū, esol o sasafei kahā ile, e meleki ke sa sibigekoū bohouloū mugumoū, o sasaj̄, kolukua kahā maka ke moū dalaguaboū, haba kolukua бага miloū igi kokoū dihō бага toboloū idi kediaboū oloū fei kediamе dobodo hiyedo dugulo i.

³ Kegemoū, esol o sasama kahā ile, e meleki ke tō dawalakoū bohouloū mugumoū, dawala keme o tei aiyoū sagaj̄ degeimoū, gali dawalakoū dalaguadi ke oloū feido tofigile i.

4 Kegemōu, ɛsol o komā kaha ile, ɛ meleki ke todoyabōu, huei souyabōu kokōu bohōlōu mugumōu, olōu fei kafeinōu degei.

5 Meleki komā ke bohōlōu muguomōu, to olōu fei dia daladi ɛsol o kaha kōu gue tobōu mōu du, Nāme Godi, nā afudo noŋu kege delei, ifine dala kuhe.

Ne midihobe bolōdonōu.

Hebe kasagai, nā sa sibige o sasai kediamokōu neleyodei keme dōdo,

die midihō kasagai milōu ga idi kenōu tefeleba nele.

6 Damalēdo, sa sibige o sasai kediage ne o sasibōu, habage-degele-duguo-tobolōu-idi-obōu kedia wala imōu, die kafei migi kaha degeimōu, nā degeiye diame huei olōu fei mei degema, kafei kenōu namabadomōu degei dala kehe.

7 A haba Godihā dou mosō kaha kōu gue toūmōu du,

Damalēdo, Hiye O Godi, ne nelebe hiyedo folodo.

Nage o sasai be file duguomōu, damalēdo, dōdo kokōu nou tā sadi.

8 Kegemōu, ɛsol o dosōu kaha ile, ɛ meleki ke asō tagetōu bohōlōu mugumōu, Godihā asokōu nele neimōu, difi hiyedo, dou difi sagai degei. O sasai ɛ difiye siyadomōu.

9 O sasai asō difi hiyedo kaha simōu, diage Godikōu tā bōu бага tobolōu i, ɛ degeiye do

hiyedo dugulo iliyodemamou. Kenou si fi boholou ili mei, Godikou hohobolou be dafa i.

¹⁰ Kegemou, esol o hou kaha ile, e melesi ke kolukua kaha duwodi kokou boholou mugumou, e sa ke olou fei nugugu. Sa nugugumou, o sasai e sa kile dalaguadi kedia hagi hiyedo duguomou, diofusie diofu die i meye kagile i.

¹¹ Hagi hiyedo ke duguu dalaguai, Godi hebenitou daladi kokou ta bou бага tobolou i, dobodo sudo kaha do hiyedo duguomou. Kenou si, die midihq kasagai milou gadi keme ta tou fogou mou, fi boholou ili mei.

¹² Kegemou, esol o walai kaha ile, e melesi ke to hiye Yufretiskou boholou mugumou, to ke olou fei haga fiyei. Kegemou, biyadi o aso hagulukou dalaguadi kedia haguasile a ke sofugou.

¹³ A haba kegemou dugube, duo kasagai olou fei kamadia kege, sai бага felegoumou dugu. Sai tabe bei kagasiou ha mogouduge felei. Tabe kolukuaha mogouduge felei. Tabe ogou gai egei tobou di hiye oha* e mogouduge felei.

¹⁴ Sai bagai kediame duo kasagaido, midihq gehe gehe ke milou ga idi. Dia ya, sa sa olou fei suluguali, sa sibige hiye o kedia die biyadi o kedia mouma haguasie kefeguoba, uwage sawisie

* **16:13 16:13** Ogou gai egei tobou di hiye o eme si so gofufudo, Jonha mihj dulemou ge felejimou dugu. Na Mogogou Ta Hegi 13:11 husofu.

kelege Godi, e nelebe hiyedo folodo, ebou de biyamabeedema haguasie kefegulo ile.

15 Ni duma, a hagualebe, ni ta tawale mei. A nimokou hagualebe hiyou moudi oye haguadi sagai kenou tefele haguale. O koyo na tiadiyo mei, ne yukuei kai digima, hafeido dege doguo dalababe, name hohobolou nou. Yobe, name o dihile kokou bese sidifi degele mei kaha degemou.

16 Kegemou, duo kasagai kediage hiye o kedia wou ma haguasiemou, Hibru tae sa Armagedon-yodele idi kokou kefegulo i.

17 Kegemou, esol o dio kaha ile, e meleki ke agudiletou bohoulou filoumou, ta uwo ta, Godiha moso, yofu duwodi bolodo koduge hiligedo, ma dabaibe mei degeiyode tobou mou du.

18 Ta uwo ke tobou mou, dibie biligile noumou fufuale uwo hiyedo degei. Haba gigima hiyedo folodo haguei. Kou guai o kediane gigima hiyedo kegei ta dugulo ili mei.

19 Sa hiyedo Babilon bafolou mou, olou fei kamadia degei. Sa sa hiyedo olou feine, moso olou fei biligisema mei degei. Damaledo, midihog kasagai, sa hiye Babilon o sasai kedia milou ga idi keme Godihage ta totou degeli mei, e kope gofofu hiyedo kaha amamai ke sa ke tie o sasai kediamokou neimou nala i.

20 Gigima hiyedo ke hagumou, to tibibou bitoubou olou feido mei degele i.

21 Bilie huei_ine, huei_i todi sagai_i kenou_i tefele mi_igi. Bilie huei_i keme kasagaido, bogo sagai_i degei kaha_i agudiletou_i ge fiyasigeimou_i dugulo i. Bogo sa_i degei kaha_i hagi tanou_i tanou_i be 50 kilo sagai_i kege keme o hiyedo taha_i haginou_i tefei. O sasai_i kedia_i tagetou_i fiyasigeimou_i, dia Godikou_i bou_i бага tobolou_i i, bogo sagai_i degei kaha_i dia makolo imou_i duguomou_i.

17

O hiyou hiyedo siadi sasai_i ke hebe kasagai_i mou

¹ Esol o dioyosi kege kedia_i meleki dioyosi kege tou_i ma tafalagua kedia_i tanou_i taha_i haguamou_i, amokou_i da ileba, o hiyou hiyedo siadi sasai_i to sudo kaha_i tagetou_i duwo kaha_i e midihou_i kasagai_i milou_i di kaha_i hebe molo_iu ke namokou_i hegilamou_i yode tobou.

² Sa sa hiye o kedia_ige sasai_i ke hiyou degele idi.* Huhou_i mei o kedia_ine kegenou_i degele imou_i be, tigi kolo huei_i gofo_iudo naiye totou_i degedi sagai_i kenou_i tefele idi.

³ Kegemou_i, ame Duo Bolofeiha_i ma duledu neledo degeimou_i, esol o kaha_i a wolou_i ile, hebe mei mihinou_i sa kokou_i folomou_i dugube, sasai_i ta kolukua tagetou_i duwomou_i dugu. Kolukua keme wei_i degei. E tou_i guebou_i be hu_i kasagai_i nalagai

* **17:2 17:2** *Sasai_i ke hiyou degele idi* kaha_i sibigebe kou_i gue: O sasai_i Godi tou_i fogou_i mou, ogou_i gai godi sesele yadi kedia_ime sasai_i hiyou siadi o sa_i degei.

sudo dalaguamoū dugu. Hu sudo keme Godi huyafei degedi hu. Kolukua kaha widiobe oloū fei dioyosi kege. Widio tanoū tanoū kokoū be ikoke oloū fei 10 kege dalaguamoū dugu.

⁴ Sasai keme yukuei wej degei boloū kege kamoū, e similou hiyedo, sele igi golboū, igi bolodo kuidihō fai degei keboū, we bolodo, sele hiyedoye moū keboū de kai dugu. Kope, sele igi golye miloū ke e dobogoŋuye toloū duwei. Kope kodu sai keme o hiyou siadi midihō kasagai keboū, sibigiboū kahanoū amamai.

⁵ Sasai kaha e wodemekoū be hu nalagaiboū. Nalai kaha e sibigebe mogogou dalaye, kenoū si nalai keme koū gue nalagai:

SA HIYEDO BABILON.

O HIYOU SIADI SASAI OLOŪFEI KEDIĀ DIE
ADIŌUDO.

SA SIBIGEKŌŪ MADIHŌŪ KASAGAI MILOUGADI
KAHĀ OBŌŪ.

⁶ Sasai keme Godihā o sasai Yesukoū damaleyodema Yesuhā huya ke egei toboloū idi o sasai kediā kafei namamoū, fi totoū degei dalamoū dugu. A sasai ke duguo kesigiemoū fi hiyedo maj.

⁷ Kegemoū, esol o kaha amokoū koū gue tobou, na kageimoū fi hiyedo moyua? Kolukua, e widio oloū fei dioyosi kege tanoū tanoū kokoū ikoke oloū fei 10 kege dalagua keboū, haba sasai, e tagetoū duwo keboū dilie degei kaha sibige keme a namokoū tobou lamoū.

⁸ Kolūkua, nā dugu kēme afu kōū delei, haba ifibe dala mei. Habagesi ɛme ulou yosibōū mei kokōū ge feleba, dala demaba ise damaledo kuhe mei degele. O sasaj, sa sibigebōū agu-diobōū milōū li mei kelege, Godihā die hū Fihā Kuguokōū nalagali mei dalagua kediamē kolūkua kē duguo kesigieba, fī hiyedo maga ile. Yobe, ɛme afu kōū delei, ifibe dala mei, habagesi tamā degele kahā degeimōū.

⁹ Di olōū fei defeido fimame. O koyo nā tewe o debabe, nā kōū gue tawa, kolūkua ɛ widio olōū fei dioyosi kege kahā sibigebe bitōū olōū fei dioyosi kege. Sasaj kēme bitōū dioyosi kege kokōū buboga siadi.*

¹⁰ Haba kolūkua ɛ widio olōū fei dioyosi kege kahā sibige tabe sa kē dia daladi hiye o olōū fei dioyosi kege. Hiye o olōū fei houyosi kegebe mihikōū fiyasigei. Tabe ifi kōū bōū gene kege dala. Hiye o tabe you, haguale dala. Ɛ haguqubabe, tofousogo dege tafalale mei, tōū degenōū fei dala dema mei degele.

¹¹ Kolūkua afu kōū delei, haba ifibe dala mei. Ɛme hiye o dioyosi kege kedia kōū tanōū ye, kenōū si ɛme hiye o dima kē dalale Ɛme haguaba mihikōū totonōū fei fiyaba mei degele.

¹² Kolūkua kahā ɛ widio tanōū tanōū kotōū, ikoke olōū fei 10 kege, nā dugu kēme hiye o olōū

* **17:9 17:9** Sa hiyedo Rom kēme bitōū sa. Moso olōū feibe bitōū dioyosi kege kahā tagetōū togogama deleigui.

fēi 10 kege, haba diame die sa tanou tanou you mala ile dala. Kolukua kaha hu hiye mo ubabe, o 10 kege kediane hu hiyedo mala ile, sa tanou tanou ke tou degenou fēi dia dalaguale, aso diho tanou fēi dalaguale.

¹³ Hiye o kediage fi tanou degeba, kolukua kaha hunou hebele foguo, e hayedu dalaguale, eibe ne dabai degelamou yode tobolou ile.

¹⁴ Dia kegema ya, Wai Sipsip Wilibou, o sasai yonu haguismou dulo haguasieimou makai kedibou de biyoubabe, dia ta gabama fologale meido. Yobe, Wai Sipsip Wili eme gamani hiye o olou fēi kedia die Hiye O kaha degeimou. Damaledo, eme hiye o olou fēi kedia die Hiye O.

¹⁵ Kegemou, esol o kaha amokou haba tobou, to hiye sudo, o hiyou siadi sasai kaha duwomou na dugu* kaha sibigebe kou gue, kolo esofei esofei o sasibou, o sasai kefele idi kedibou, sa sa olou fēi o sasibou, ta esofei esofei tobou o sasibou de.

¹⁶ Kolukuabou, e ikeke olou fēi 10 kege keme hiye o 10 kege kebou kediage o hiyou siadi sasai ke dafa ile. Dafaba, makomaba, e yukuei olou fēi digima, bese tou fogou le ile. Haba, o kedia e hui ke nala imaba, doulukou siba, olou fēi douye nama mei degele.

¹⁷ Yobe, Godihanou degeiye, hiye o kedia fimai tanou fēi degema, sa olou fēi kolukua kokou nele

* 17:15 17:15 Mogogou Ta 17:1

ile. Neiba, ege sa sa olou fei ke dia dalali, ise Godiha tobou ke kuhe tama degele.

¹⁸ Sasai na dugu kaha sibigebe sa hiyedo. Sa hiyedo kaha sa sa olou fei kaha hiye o ke wou ma daladi.

18

Sa hiyedo Babilon makoma mei degei

¹ Kegemou, a esol o ta hebenitou ge migimou dugu. Esol keme hu hiyedo o. E migilemou, e hoho hiyedo kaha, sa sibige koou olou fei hohoguo delei.

² E migilemou, hiligedo kou gue tobou mou du, Sa hiyedo Babilonbe makoma mei degei.

Moso olou fei biligisema mei degei.

O mei degeimou, duo kasagai kedianeou dalagua. Sio kasagai kedia die timou degele i.

³ Yobe, sasai kaha sa sa o olou fei hiyouye wou ma sumou,

tigi kolo huei gofoudo nai oye fi toto degedi sagai kenou tefele idi.

Damaledo, sa sibige kaha hiye o kediage sasai ke hiyou degele idi.

Bi tiga moouidi o kediane, sasai kaha midihou kasagai milou gadi kaha dowo, diane sele hiyedo mala i dalagua.

⁴ Kegemou, a hebenitou ge ta uwo gehe ta kou gue tobou mou du,

Ma o sasai ni sa ke tou fogou haguama.

Kegeiye, n̄ine sa k̄e tie o sas̄ai ked̄iābōu de
 midih̄o kasaḡai milōu ga iligi,
 n̄ibōu de hebe kasaḡai k̄e mal̄a iye.

⁵ E midih̄o kasaḡai kefema m̄amōu feleibe,
 hebenikōu folo kogu dala.

Godih̄age e midih̄o kasaḡai k̄eme olōu fēido tewe
 dala.

⁶ Midih̄o kasaḡai e milōu di kaha hebe k̄eme n̄ine
 emokōu kenōu tefele n̄ema.*

E midih̄o kasaḡai milōu gadi kaha dowo k̄eme
 n̄ige emokōu hebe kasaḡai k̄eme bolou
 kogōu n̄ema.

E kope kodube sibigi kasaḡaiyenōu am̄amai kaha
 degeimōu,

n̄ine e kope kodu hebe kasaḡai hiyedo k̄eme
 bolou kogōu nēiba, e olōu fēido nale.

⁷ Sas̄ai kaha yōu e h̄u hebele fogudi kaha, n̄ige
 e midih̄o kasaḡai milōu gadi kaha hebe
 kasaḡai k̄eme yōu milōu gadi saḡai kenōu
 tefele n̄ema.

Ege yōusie eme sas̄ai hiyedo, sa hiye kōumaha
 o sas̄ai wolōu daladi sas̄aiyode tobōu di.

Ame kuei sas̄ai mei kaha degemōu,
 kuei sas̄ai ked̄iā gosolo idi saḡai kege, a ma maḥa
 sihou ta gosolo meiyode tobōu.

* **18:6 18:6** Sas̄ai k̄eme sas̄aido mei, sa hiyedo Babilon tie o sas̄ai
 ked̄iā midih̄o kasaḡai milōu ga idi kaha degeimōu, esol o kahage
 o ilo ked̄iā hebe kasaḡai k̄eme sa k̄e tie o ked̄iamokōu n̄emabeede
 tobou.

8 Kegei kaha degemou, sawisie tanou fei kelege, sasai keme hagi daga daga hiyedo dugumou ile, do hiyedobou, hegie hiyedobou, o tofigiei kedia sihoubou de gosolo.

Kegeiba, douye nama mei degele.

Yobe, Hiye O Godi nele hiyedo o kahage sasai kaha midihq olou fei file dala kaha degeimou.

9 Kegeiba, sa sibige kounumaha hiye o kedige sasai Babilon douye nouba, dahai folouba duguoba, e sihou gosolo ile. Yobe, dia sasai ke hiyou degemou, ebou de midihq kasagai daga daga milou ga idi kaha degemou.

10 Sa Babilon douye nouba duguo gue degeba, ahudo dege tafalaguali, kou gue tobolou ile, Anou we, anou we, sa hiyedo Babilon, solou do hiyedo.

Ne hu hiyedo deleie, kenou si hebe kasagai kaha haguamou,

asq dihq tanou fei kelegenou douye ne bimai olou fei ke nama mei degei.

11 Kegeiba, bi tiga mojudi o kediane Babilonha sihou gosolo ile. Yobe, die bimai sa Babilon o sasai kedia seleye haba ta mamala ile mei kaha degeimou.

12 Mosoleya mouma haguadi bimai bolodo kegele i keme sele igi golbou, igi silvabou, igi bolodo kuidihq fai degei kebou, we bolodo sele hiyedoye mojudi kebou, yukuei fq degele ibou,

yukuei wēi degele i daga daga kēbōu, yukuei sisibe degei kēbōu, hebe hō bolodo kēbōu, bi daga daga wai elefan miye sasadoye milōu gai kēbōu, sele igi kopabōu, hebe daga daga sele hiyedoye mōudi kēbōu, kuwo igibōu, igi dosogo degeibōu fō degeibōu deye nalagai igi kēbōu de olou fēi kege.

¹³ Bimaj̄ ilo kelebe kasala s̄a degei daga daga kēbōu, hō bolodo mola daga daga kēbōu, hebe du kolo sagaj̄ kegei daga daga kēbōu, hebe kolo hueibōu, gusege hueibōu, ōu sagaj̄ kegei kēbōu, nale segeibōu, wai bulumakoubōu, wai sipsipbōu, wai hosbōu, wai hosye dufōu di kalōu bōu, fisimōu dabai degele idi o sasaj̄bōu olōu fēi keme mamolōu obe mei.

¹⁴ Bi tiga mōudi o kediā Babilon douye nōba duguo kōu gue tobolōu ile, bi bolodo n̄a molōu tagadi keme ahudo dala, n̄a haba molōu mei. Bi bolodobōu, similou kuidihō fai degei kēbōu olōu fēido mei degei. O tae ta kolugi dugulo meido.

¹⁵ Sa kokōu bimaj̄ tigramōu, sele hiyedo mal̄a idi o kediā, sa kahā hagi hiyedo degeli kē duguoba, gue dege ahudo tafalaguali, gosoloba kōu gue tobolōu ile,

¹⁶ Anōu we, anōu we sa hiyedo Babilon, solōu do hiyedo.

Sa kē tie o sasaj̄ kediā yukuei bolodo, fō degeibōu, wēi degei daga daga kēbōu de kā idi.

Similou dibe sele igi golbou, igi bolodo kuidiho
 fai degei kebou, we bolodo seleye mou
 kebou de ka idi.

¹⁷ Haba bimaj olou fei keme aso diho tanou fei
 kahanou makoma mei degei.

Mosole tou ma suluguadi obou, bimaj tiga
 moudi o mosoleya ke suluguadi obou, mosole
 kodu dabai degele idi obou, mosole dabai degele
 idi o ilo kedibou olou fei ahudo tafalaguai,

¹⁸ douye sa hiyedo ke nolu kaha dahaj ke
 folouba duguo hiligedo kou gue tobolou ile, sa
 tabe sa hiyedo Babilon sa degei ta dala meiyode
 tobolou ile.

¹⁹ Kege tobou ma, mihikou duotele mouma,
 diou die widio tagetou hebeseleba, sa kaha
 sihou gosoloba, haba hiligedo kou gue tobolou
 ile,

Anou we sa hiyedo.

Bi motou ladi mosole obou kedime sa hiyedo
 kaha o sasaj kedia sele hiyedo mala idi
 keme olou fei mei degei.

Solou do hiyedo, sa hiyedo keme aso diho tanou
 fei kahanou makoma mei degei.

²⁰ Hebenitou tafalagua o sasaj ni hohobou ma, sa
 Babilonbe Godiha makoma mei degei kaha
 degeimou.

Godiha o sasibou, ta-bolofei-mala-suluguadi-
 obou, habage-degele-duguo-tobolou-idi-
 obou, ni olou feido hohobou ma.

Godiḥa sa hiye Babilon o sasaj̄ kediaḡmōkōū hebe kasagaj̄ ke nei, diḡ n̄i makolo idi kahaḡ degeimōū.

21 Kegemōū, ɛsol o ta kahaḡ neleḡ hiyedo degemōū, bogo hiyedo ta malamōū, to dawalakōū hebele muguomōū tobou,

A bogo hiye ke dawalakōū hebele mugu sagaj̄ kenōū tefele, sa hiyedo Babilonne neleḡo dege hebele muguba, haba ta dugulo ile mei.

22 Sa Babilon, ne o sasaj̄ kediaḡ diḡ feile uwo keme ei haba ta dulo ile mei.

Die gita wala uwo kene ei haba ta dulo ile mei.

Die kibi hagnosisale uwo kene ei haba ta dulo ile mei.

Die bi milōū gadi o kediaḡne ei haba ta dugulo ile mei.

Die ōū togolo uwo kene ei haba ta dulo ile mei.

23 Namokōū be eige kamaj̄ hohḡ haba tage ta dugulo ile mei.

Obōū sasaj̄bōū hulomōū hohḡbolōū uwo kene ei haba ta dulo ile mei.

Neḡ bi tiga moḡudi o kediaḡne huḡ hiyedo deleigui.

Naḡ midihḡ geḡ geḡ hiyedo milōū gōumōū,

sa sa o sasaj̄ olōū feido kediaḡ duguomōū, ogōū gai midihḡ, naḡ degeli keme damaleyodema sesele idi.

24 Damaleḡo, sa Babilon o kediaḡe Godiḥa o sasaj̄bōū, habage-degele-duguo-tobolōū-idi-obōū, wōumōū tofigile i kahaḡ degeimōū Godiḥa diaḡmōkōū hebe kasagaj̄ ke nei. Haba sa sa olōū

fēi o sas̄ai woumōu tofigile idi kahā hebe kasagaī
kene Godihagē olōu fēido Babilonkōu nōu nēi.

19

*O sas̄ai kediā sa Babilon makei kahā degeimōu,
hoh̄o degele i*

¹ Kegemōu, ā tā uwo hiyedo, hebenikōu o sas̄ai
sūdo kediā hiligedo tobolōu ili sagaī kegei kōu
gue du,

Di Godikōu bolofejyode tobōu me.

Godihānōu di mamoū dala kuhē.

Di Godikōu nōu hohobōu me.

Ē hube hiyedo folodo.

² Godihagē o sas̄ai kediā midihobē file
duguomōu, damalēdo, dōudo kelenōu
tā sadi.

O hiyou siadi sas̄ai hiyedo kahā* ē o hiyou degedi
midih̄o kahagē sa sibigē o sas̄ai olōu fēi kē
makei kahā degeimōu,

Godihagē emokōu hebe kasagaī kē nēi.

Yobe, ē Godihā̄ dabai degele idi o kediā woumōu
tofigile i kahā degeimōu.

³ Kegemōu, hebenitōu tafalagua o sas̄ai kediā
haba tobolōu i,

Di Godikōu bolofejyode tobōu me.

Douye sa hiyedo Babilon nolū kahā dahaj̄ keme
ta mei degele mei, yōu kege folonōu
dalale.

* **19:2 19:2** Sasajido mei, sa Babilon tobou.

⁴ Kege tobou mou, odo olou fei 24 kegebou, fibou
 bi dosou yosi kegebou olou fei kedia yubu sugulo
 fiya duwoguali, Godi, e duwodi bolodo kotou
 duwo kokou kou gue diho baga tobolou i,
 Damaledo, di Godikou bolofeyode tobou me.

⁵ Godiha duwodi bolodo kokou ge, ta uwo ta kou
 gue toboumou du,
 hubou obou, hubou mei obou, Godiha dabai
 degele idi o sasai, Godikou gue degemou,
 e hayedu dalaguadi,
 nige di Godikou nou bolofeyode tobou ma.

*Wai Sipsip Wili kaha sasai hulomou, nale
 hiyedo kefeguomou nalq i*

⁶ Kegemou, a uwo ta, to nele hiyedo kaha uwo
 sasai kegei du, dibie uwo hiligedo fuale uwo
 sasai kegei. Uwo keme o sasai sudoye tasou
 degeli sasai kenou tefeimou du,
 Di Godikou bolofeyode tobou me.
 Di Hiye O Godi, e nelebe hiyedo folodo.
 Ege di wolou dala kuheyode tobou mou du.

⁷ Di ifi hoho hiyedo degeba, Godikou nou
 hohobolou ba,
 e hu hebele fogume.
 Yobe, Wai Sipsip Wili kaha sasai hulobe hafei
 degeli kaha degeimou.
 Sasai e hulo kaha ama dala.

⁸ Godiha yukuei fo degei, bolodo keme sasai
 kokou kou nei.

Yukuei fō degei, bolodo kaha sibigebe midihō dōdo, Godihā yoŋu ē o sasai kedia milou ga idi ke.

⁹ Kegemou, esol o kaha amokou tobou, na kuguokou kou gue nala, o koyo name Wai Sipsip Wili kaha sasai hulo dowo nale hiyedo kokou kou digu debabe, name hohobolou nou. A tobolou koŋume Godihā ta damaledo ke tobolou.

¹⁰ Esol o kaha kege tobou mou, a yubu sugulo fiya duwoli, esol o kokou diho baga tobou lamou degeimou, e haba amokou tobou, kegeda. Na Godikou nou diho baga tobou. Ane Godihā dabai degedi o, nebe nabou Yesuha ta hiligedo tolou suluguadi o sasibou ninou tefei. Habage-degele-duguo-tobou di-o kediane Yesuha tabe Duo Bolofeiha neleya kenou tobolou idi.

Jonha o ta wai hos fō degei kaha tagetou duwomou dugu

¹¹ A hebeni a soŋugou dalamou masele dalali dugube, wai hos fō degei ta tafalamou dugu. O, wai hos tagetou duwo kaha e hube bolou. E hu tabe Damaleyodema Sesedi, haba hu tabe Ta Damaledo. O kaha e ta sadi midihobou e biyadi midihobou keme, ege dōdo kokou nou milou gadi.

¹² E diho be douye wobolou sagai kegei dugu. E widiletou be hiye o kedia heti sudo kai dalaguamou dugu. E tou guebou be hu ta nalai

dalamou̇ dugu. Hu̇ keme yȯunou̇ tewe. O taē tewe mei.

¹³ Eme yukuei sasado, kafeikou̇ muguomou̇ kaj. Ė hube Godihȧ Ta.

¹⁴ Hebeni ami kediȧ wai hos fȯ degele i kediȧ tagetou̇ foloma die Hiye O sesele yai. Diame yukuei fȯ degele i ebeledo kenou̇ kama youmou̇ dugu.

¹⁵ O ebukou̇ hagulu kahȧ e mogouduge aweki tafado kahȧ telemȧ migimou̇ dugu. Aweki kahage sa sa o sasai̇ olou̇ feido kediȧbou̇ de biyale. Biyamaba, o olou̇ fei̇ e hayedu dalaguaba, e biya gofȯudo kė tolou̇ ba, o sasai̇ neledo dege wou̇ ma dalale. *Buk Song 2:9*

Ege Godi neledo kahȧ e gofȯu̇ hiyedo folodo kahȧ neleya kė sa sa o sasai̇ olou̇ feibe hebe kolo kefeguomou̇ mihi̇ daikou̇ hebesama, kotou̇ tofou̇ tofolou̇ idi sagai̇ kenou̇ tefele, kege degele.

¹⁶ Hiye Ohā e yukuei kaj kokou̇ bou̇, e misiēkou̇ bou̇ kokou̇ be hu̇ kou̇ gue nalaj̇ dugu.

HIYE O OLOU̇FEİ KEDIȦ, DIE HIYE O.
HABA GAMANI HIYE O KEDIȦ, DIE HIYE O.

¹⁷ Kegemou̇, ȧ esol o ta asȯ tagetou̇ tafalamou̇ dugu. Tafalali, sio agudiletou̇ fulou̇ sulugua kediamokou̇ tȧ hiligedo kou̇ gue tobou, ni̇ haguasie, Godihȧ nalė hiyedo nalā ile kokou̇ kefegumabeede tobou.

¹⁸ Sio diama, ni̇ haguasie, gali hiyedo nama. Sa sa dia daladi hiye o kediȧ huibou̇, ami hiye o kediȧ huibou̇, biyadi o kediȧ huibou̇, wai

hos kediā huībōu, wai hos tagetōū duwoguadi o kediā huībōu de n̄ama. Haba, bōse o sasaī kediā huībōu, dabai degedi o sasaī kediā huībōu, hūbōu o sasaī kediā huībōu, hūbōu mei o sasaī kediā huībōu de n̄ama.

¹⁹ Kegemōū ā dugube, kolūkuabōu, sa sa hiye o olōu feī kediābōu, die ami obōu olōu feī haguasie kefeguo tafalaguali, wai hos tagetōū duwo o kebōu, ē ami obōu kediāmōkōu biyalamōu degele imōū dugu.

²⁰ Biyamamōu, wai hos tagetōū duwo o kahā kolūkuabōu, ogōū gai egei tobōu di hiye obōu ke* didiō degei. Ogōū gai egei tobōu di hiye o kahage kolūkuahā hūya ke midihō gehē gehē kōu milōu gamōū siei. Kelegebe, o sasaī kolūkua kahā ē maka ke malāmōu, haba ē бага milou igi kokōu dihō бага tobolōu imōū be, diā ogōū gai egei tobōu di hiye o ē tobolōu kenōu dulo idi. Wai hos tagetōū duwo o kahā haguamōu, kolūkuabōu, ogōū gai egei tobōu di hiye obōu ke mōuma sosou kege, ulou doubōu, kasele igibōu difi hiyedo dala komōu hebesai.

²¹ Dilie mogo diāne o wai hos tagetōū duwo o kahā aweki, ē mogouduge telemā feleī kahā olōu feī woma mei degeimōu, sio sudo kediā haguasie nalā iligi, guokōu hiyedo degele i.

* **19:20 19:20** *Ogōū gai egei tobōu di hiye o kemē s̄i so gofōudo.*

20

Tama didiọ degeibe dalali, sadebe olou fei 1000 kege mei degele

¹ Kegemou, a dugube, esol o ta hebeni tou fogou, ulou sogodo yosibou mei kaha a soudi kibou, kuwo ti neledo kebou de tolou migimou dugu.

² Migilemou, bei kagasiou ke hiligedo tolou ma tigei. Tigama fogou ba dalalebe sadebe olou fei 1,000 kege mei degele. Bei kagasiou keme afu yodu kege delei. Ifine kegenou dala. E hube Tama.

³ Esol o kaha Tama tigama, ulou sogodo yosibou mei kodu hebele muguomou, a ke hiligedo tefeguo fogou. Tamaha o sasai ogou gaiye domou dalali, sadebe olou fei 1,000 kege mei degele. Sadebe 1,000 kege mei degeibasi, esol o kaha ulou ke a solouba, tigiye tigei ke kusouguba, o sasai kediamokou ogou gamou sialebe tou degeinou fei siale.

⁴ Kegemou a dugube, duwodi bolu sudo dalaguamou, o sasai ilo kele kotou duwoguamou dugu. Duwoguamou, Godiha diamokou ta sai fidi dabai ke nemou i. Kegemou haba dugube, o sasai Yesukou damaleyodema Godiha ta hehegie suluguamou ho o kedia die gabaigi diafigimou, tofigile i kedia fibe olou fei kokou dalaguamou dugu. Dime kolukuabou, e бага milou igibou kokou diho бага tobolou idiyo mei. E maka kene

die dobogou deleya wodemeya kele ta dala mei. Tofigieimu, die fibe gehe degema, hiye o dege, Kelesubo de sa sibige o sasai wo ma dalaguali, sadebe olo fei 1,000 kege mei degei.

⁵ Keme diabuko do hagua ile o sasai. Haba tofigile i o sasai ilo kediame hagua ili mei dalaguali, sadebe olo fei 1,000 kege mei degeibasi, diane kuhe hagua ile.

⁶ Tofigiei o, diabuko hagua ile o sasai kediame Godiha o sasai bolodo. Diame hohobolo nou. Die fibe haba ta tofigile ile mei. Diame mogou du dalaguadi o. Damaledo, Godibo Kelesubo dilie suguto dalaguaba, sa sibige o sasai hayemo dalaguaba, haba diabuko hagua ile o sasai kediame hiye o degema, Kelesubo de dalaguali, sadebe olo fei 1,000 kege mei degele.

Tama eme makoma mei degei

⁷ Sadebe olo fei 1,000 kege mei degeiba, esol o tae migile, Tama didio degei ke telemale.

⁸ Telemouba ile, sa sa olo fei sulugi, sa Gok obo, sa Magok obo olo fei kediakoko ogou gai ta tobolo ba ya kefeguoba, Godiha o sasaibo de biyalaba degele ile. Tamaha ami o kediame suudo, to dawala ko weno tefei.

⁹ Tamabo dia kefeguo, sa sa olo fei sulugua dema, boholo ma ya, sa hiye, Godiha tagali ke silema ile. Godiha o sasai sa kile dalagua kediame silemouba, ise dou gofou

kaha hebenitou ge migileba, ho o kedia olou fei nouba, tofigile ile.

¹⁰ Tofigiema mei degeiba, o sasai ogou gadi o Tamabe Godihage ulou, kasele igi doubou difi hiyedo dala komou hebele mugulo. Ulou kokou be kolukuabou, ogou gai egei tobou di hiye o kebou de kou hebesai dala kokou nou, haba Tamane hebele muguba, dio tufe douye nouba, do hiyedo dugulo ile. Do keme mei degele mei, huliamebou agalibou yotu kegenou dalale.

Ta sai hiyedo uwage

¹¹ Kegemou, a dugube, duwodi hiyedo, fo degei ke dalamou dugu. Duwodi fo degei kotou be Hiye Oha duwomou dugu. Sa sibigebou agudiobou debe Hiye O duguomou kama fosigeimou dugu.

¹² Sa sibigebou agudiobou de mei degeimou, hubou o sasibou, hubou mei o sasibou tofigile i kediame Hiye Oha duwodi fo degei kaha midihokou tafalaguamou dugu. Esol o kedia kuguo sudo haguagimamou, haba kuguo tane haguai. Keme Fihā Kuguo. Hiye Ohage kuguo kokou duguomou, tofigiei o sasai kedia midihokou kasagaibou, haba midihokou bolobou milou ga idi olou fei ke kuhe figoumou dugu.

¹³ Damaledo, to hiyeye woumou tofigiei o sasai kediane haguama fologa tafalaguamou dugu. Todibou, Todi kaha Sabou kediliene tofigiei olou fei tou fogou mou fologa tafalaguamou, Hiye Oha o sasai tanou tanou figamou ibe, midihokou

kasagaibōu, haba midihō bolobōu olōu fei dia milōu ga idi ke figai.

¹⁴ Tofigiei o sasai kedia hagua imōu, esol o tae Todibōu, Todi kaha Sabōu ke ulou hiyedo dou wobolōu kodu hebesai. Ulou hiyedo dou wobolōu dala keme fihā todi sa.

¹⁵ O sasai olōu fei, die hu Fihā Kuguokōu nalai dala mei kediane esol o kedia ulou hiyedo dou wobolōu kodu hebesoumōu dugu.

Godihā bi olōu feido haba gehenōu milōu gai

(Ta Hiye 21-22)

21

*Godihā sa sibigebōu agudiobōu haba gehe
milōu gai dalamōu dugu*

¹ Kegemōu, a dugube, agudiobōu sa sibigebōu de gehe milōu gai dalamōu dugu. Agudiobōu sa sibigebōu afu delei keme olōu fei mei degei. Dawalane mei degei dugu.

² A baha dalali dugube, Godihā sa Jerusalem ebele keme sasaiye o hulamōu similou nebōu do kenōu tefei kaha hebeni tōu fogōu migimōu dugu.

³ Godihā duwodi bolodo kotōu ge tā uwo ta hiligedo kōu gue tobōu mōu du, nā du, Godihā mosobe o sasai kedia duledu dala. Godi eme o sasai kediabōu de dalale. Diame yoū e o sasai.

Damaledo, Godibe o sasaj kediabou de dogou guo dalale. Eme die Godi.

⁴ Godi eme o sasaj kediabou de dalababe, ta gosolo ile mei, Godiha die diho huei ke olou fei towa muguo mei degele. Tofigiedi kene mei degeiba, sihou gosodibou, do dugudibou kene mei degele. Afu delei midihō keme olou fei mei degele.

⁵ Kegemou, Hiye O, e duwodi bolodo kotou duwo kaha tobou, na du, a bi olou fei gehe milou goluyodei. E haba tobou, a tobolou koume damaledo ta, o sasaj olou fei du-loba damaleyodema sesemabeedili koume nage nalayede tobou.

⁶ Hiye Oha amokou haba tobou, ma dabaibe mei degei kehe. Ame amulo alikou bou habagekou bou de dala. Ame yomougoukou dala, haba yosikou ne dala. O koyo na huei nale sagaj degeibabe, a dogou guba, name fi nedi kaha huei sou kokou huei nale. Huei kaha dowo sibile mei, mou dou la nama, tofousogo tofousogo tofolou.

⁷ O sasaj koyo na Tamabou de biyama gaba tofou babe, a bi olou fei kou namokou nele. Ame ne Godi dalale. Name ma dihi dalale.

⁸ O sasaj damaleyodele ili mei kediame ulou dou wobolou kokou hebesale. Ho o kedia duguo gue degedi obou, midihō kasagaj milou ga idi obou, o wodi obou, sasaj hiyou siadi obou, hagai wodi obou, ogou gai godikou diho baga tobou di obou, ogou gai ta tobou di o kediabou olou feibe

ulou, dou gofoꞑudo kasele igi difi dala komou hebesale. Ulou hiyedo dou wobolou dala keme fihā todi sa.

Jonhā sa Jerusalem ebele dugu

⁹ Kegemou, esol o dioyosi kege, hagi uwage olou fei dioyosi kege, meleki dioyosi kege kodu sai ke tou ma tafalagua kedia tanou tahā hagua amokou kou gue tobou, da ileba, a sasai, Wai Sipsip Wili kaha hulo ke namokou hegilamou yode tobou.

¹⁰ Kegemou, ame Duo Bolofehā mā duledu neledo degeimou, esol o kaha a wolou ile, ele bitou sasado hiyedo kotou fologamou, e Godihā sa Jerusalem amokou hegi. Sa Jerusalem keme hebenitou ge Godihā tou fogou mou migimou dugu.

¹¹ Migimou, dugube, Godihā hoho hiyedo, sa kokou hohoguo delei, igi bolodo kuidihō fai degei jaspā hoho sagai, galasenou tefei dalamou dugu.

¹² Sa hiye Jerusalembe kekai hiyedo sasado kaha olou fei silemai. Kekai kokou be a olou fei 12 kege dalamou dugu. A tanou tanou kokou be esol o olou fei 12 kege kedia dia deleigui. Israel kedia hutu olou fei 12 kege kedia hube tanou tanou adi tanou tanou kokou nalagai dalaguamou dugu.

¹³ Aso haguluyabe a kamadia kege dalaguamou dugu.

Aso muluyabe a kamadia kege dalaguamou dugu.

Figi ilo dobogoou delekou ne a kamadia kege dalaguamou dugu. Figi ilo dobogoou fofoukou ne a kamadia kege dalaguamou dugu.

¹⁴ Kekai keme igi olou fei 12 kegeye mouti. Igi tanou tanou kokou be o hu tanou tanou nalaga i dalaguamou dugu. Hu keme Wai Sipsip Wili kaha e ta-bolofei-mala-suluguadi-o olou fei 12 kege kedia hu nalagai dugu.

¹⁵ Kegemou, esol o amokou ta kolu kahage sa hiyedo Jerusalembou, e kekai kebou, kekai kaha a olou fei kebou de tefegadi biya, sele igi golye milou ke tolou tefelei.

¹⁶ Sa hiye gehe keme figi ilobou figi ilobou, tou isimobou tou isimobou olou feibe tefeinou. Kegemou, esol o kaha sa hiyedo ke tefegama dugube, figi ilobou figi ilobou, tou isimobou tou isimobou de olou fei tanou 2,200 kilomita dugu. Figi ilobou figi ilobou, tou isimobou tou isimobou, haba sugutou ne e sogobe olou feido tefeinou.

¹⁷ Sa hiyedo kaha tokuwe fai tefegamamou dugube, e sumube 144* kegei dugu. Esol o kaha sa hiyedo kaha tokuwe fai sumu ke tefeibe, obe bi tefegadi sagai kenou tefele tefegai.

* **21:17 21:17** Di tefegadibe 144 kege keme mita olou fei 65 sagai kege.

18 Sa Jerusalem ebele kahā tokuwe fajibe igi jaspera igiye faj̄ dugu. Mosō oloū feibe sele igi golyenoū togogai dugu. Sele igi gol keme sibigi ta dala mei, galase hohonoū tefei.

19 Tokuwe faj̄ kahā moutibe igi bolodo, sibige hiyedo kuidihō fai degele i kahanoū mouti dugu. Igi sasafeibe *jaspa*. Igi sasamabe du degei *sapaia*. Igi komabe *aget*.

Igi dosoū be hebe guo gehe degei *emerald*.

20 Haba, igi hoube *sadonikis*. Igi keme weī degeiboū fo degeiboū dei.

Igi walabe weī degei *konilian*.

Igi diobe biye degei *krisolait*.

Igi dimabe hebe guo gehe degei ta *beril*.

Igi desebe biye degei ta *topas*.

Igi 10 keme *krisopres*.

Igi 11 keme *haiasin*.

Igi 12 keme weī degei ta *ametis*.

21 Tokuwe faj̄ kahā a tefedi oloū feibe we bolofejido kahanoū miloū gai dugu. We keme fo degeiye, sibige hiyedo. A tefedi tanoū tanoū oloū feī 12 kege keme we hiyedo tanoū tanoū kahā tefegadi dugu. Sa hiye ebele kahā abogoūū abe sele igi golyenoū miloū gai dugu. Sele igi gol keme bolodo, e hohobe galase hohonoū tefei.

22 Sa Jerusalem gehe kokoū be sosi mosō ta duwomoū duguli mei. Hiye O Godi, e nelebe hiyedo folodo, eboū Wai Sipsip Wiliboū dilienoū si sa kahā sosi mosō sagaī dala.

²³ Asòbòu oguobòu ne ta duguli mei. Yobe, Godihà hohò hiyedo kòu hohogu dala kaha. Wai Sipsip Wili kahaḡe kamai бага hohoguo dala.

²⁴ Hohò hiyedo kaha sa sa olòu fei hohoguba, o sasai kediane hohò keleyanòu suluguale. Sa sa hiye o olòu fei kediane die bimai bolodo ke moḡuma haguasie, sa geḡe kokòu fologa dogogulo ile.

²⁵ Sa geḡe keme hohò sanòu, a ta tefegadiyo mei, hulia degele mei kaha degemòu. Godihà hohò keme yoḡu kegenòu hahama daladi.

²⁶ Sa sa o sasai kedia olòu fei haguasieba, die bimai sibige hiye bolodo ke moḡuma fologa sa kokòu dogogulo ile.

²⁷ Sa geḡe kokòu be bi sibigibòu ta moḡuma fologale mei. Midiho kasagai milòu ga idi o sasai bòu, haba ogòu gai ta tobolòu idi o sasai bòu kediane ta fologale mei. O sasai die hu Wai Sipsip Wili kaha e Fihà Kuguo kokòu nalagai dala kedianòu si fologale.

22

Jonha fi nedi tobou, fi nedi hebebou ke dugu

¹ Kegemòu, esol o kaha amokòu fi nedi to ke hegi. To keme sibigibòu mei, galase hohonòu tefei. To kaha e soubè Godibòu Wai Sipsip Wilibòu dilie duwodi bolodo kotou ge felei.

² Sa geḡe kodube a hiyedo tilamòu, duledube to kaha tilamòu dugu. A duo kokòu, to biya kelebe,

fī nēdi hebe kaha tafala. Hebe keme sadebe tanou kelegebe oguonou tefele kolo maiyenou daladi. Hebe kaha guobe sa sa o sasai olou fei ke bologuadi mola. Hebe keme tanou feiye tafala, kenou si to ilobou ne tafala, haba ilobou ne tafala.

³ Godiha tagale mei bimai, e igisele sagai keme kele ta dalale mei.

Godibou Wai Sipsip Wilibou dilie duwodi bolodo keme sa gehe kodu dalale. Godiha e dabai degedi o kedianou e dabai degele ile.

⁴ O kediage Godiha midihog dugulo ile. Die wodemekou be Godiha e hu nalai dalale.

⁵ Kegeiba, hulia ta degele mei. Aso hohobou, kamai hohobou ta dalale mei, Hiye O Godiha yo[u] e hohog kahanou diamokou hohoguo dalale. Diame hiye o sasai degema, Godibou de tofousogo tofousogo dio[u] kegenou dalaguale.

Yesuha hagualebe hafei degeli

⁶ Kegemou, esol o kaha amokou tobou, ta a namokou tobolou ko[ume] damaledo, o sasai olou feido damaleyodema sesema. Hiye O Godiha neleya ke, habage-degele-duguo-tobou di-o kedia e ta ke hehegie tobolou idi o kaha, hagi tama degele hafei degeli ke e dabai degedi o sasai kediamokou hehegieyadomou, yo[u] e esol o tobou mou haguei.

⁷ Na du, Yesuhage kou gue tobolou, a nimokou ilebe hafei degeli.

Kuguo koꝑumaha ta, habage tama degele koꝑume, o sasai koyo na hiligedo tou babe, name hohobou.

⁸ Ame Jon, a ta olou fei koꝑume ma kihiyoye du, haba degeolu olou fei kene ma diho ye dugu. Duguomou, a yubu sugulo fiya duwoli, esol o amokou hehegiei kokou diho baga tobou lamou degeye,

⁹ kenou si esol o kaha amokou tobou, kegeda, na amokou diho baga tobou da. Na Godikou nou diho baga tobou. Ane Godiha dabai degedi onou, nabou habage-degele-duguo-tobou di-o ne mogo diabou ninou tefei. Ane kuguo koꝑumaha ta ke tolou siadi o, nebe ninou tefei.

¹⁰ E haba tobou, kuguo koꝑumaha ta, habage tama degele keme nage hobou mogogou dalada. Na o sasai kediamokou hehegienou dala, Godiha degele keme tama degele hafei degeli kaha degeimou.

¹¹ Midiho kasagai milou ga idi o sasai kediane dioꝑu midiho kasagai kegenou milou gamou iba, fimai kasagai ma idi o sasai kediane dioꝑu kegenou fi maga iba dema. Haba midiho bolodo milou ga idi o sasai kediane dioꝑu midiho bolodo kenou milou gamou iba, Godiha o sasai kediane Godi yoꝑu tagali sagai kenou milou gamou iba dema.

¹² Yesuhage kou gue tobolou, ni duma. A nimokou hagualebe hafei degeli. A hagualebe,

midihō bolōdo milōu ga idi o sasai kedia bibōu, haba midihō kasagai milōu ga idi o sasai kedia bibōu de, moŋuma haguale.

¹³ Ame amulo alikōu bōu habagekōu bōu de dala. Ame widio o, haba anōu be habagekōu do dala. Ame yomougokōu dala, haba yosikōu ne dala.

¹⁴ O koyo name yukuei bigima ma dalababe, name hohobōu. Name fi nedi hebe kaha kolo ke gala nale. Sa gehe kaha a soŋusei keleya ke na sasale folo.

¹⁵ Midihō kasagainōu milōu ga idi o sasai kediamē ya fologale mei. Hagai wodi o sasai bōu, sasai hiyou suluguadi obōu, o hiyou suluguadi sasai bōu, o wodi o sasai bōu, ogōu gai godikōu diho бага tobolōu idi o sasai bōu, haba ogōu gai midihō kenōu tagale milōu ga idi o sasai bōu olōu fei kediamē hagulekōu nōu tafalaguale.

¹⁶ Ame Yesu, a damaleyodele i o sasai nimokōu egei hehegieyadomōu, ma esol o tobōu mōu i. Ame hiye o Devitha sosōu, ame sosōu kilege haguei. Ame kuidihō oگو soyodele idi ke.

¹⁷ Duo Bolofei bōu, Wai Sipsip Wili kaha sasai bōu diliege name toto haguayede tobolōu ili. O sasai koyoha ta ke dubabe, ilo kediamokōu toto haguamabeede tobōu ma. O koyoha huei nale sagai degeibabe, haguba, a fi nedi huei ke ulu mōu dōu la neiba, e nale.

Jonha kuguo koŋumaha ta dulo i o sasai

kediamokou egele tobou

¹⁸ O sasai habage tama degele ta, kuguo kuokou nalagai dulo i, nimokou a egele tobolou kuhe. O koyoha ta kojubou, haba ta gehe gehe ilo kelebou de hehegie tobou babe, Godiha hagi hiyedo kuguo kokou nalagai dala keme o kokou nele.

¹⁹ O taha habage tama degele ta, kuguo kuokou dala ke ilo kele e igiseibabe, Godihane bi bolodo, kuguo kolumaha tobou keme emokou be igisele. Fi nedi hebe kolo kene e ta gala nale mei. Godiha sa kokou ne e ta folo meido.

²⁰ Egei hehegie tobolou o kahage kou gue tobolou, damaledo, ame nimokou haguale hafeido degeli.

Damaledo, Hiye O Yesu na hagua.

²¹ Hiye O Yesuha habagugueibe dibou de dalale. Damaledo.

lxxxviii

Konai

Konai: Godihā Tā Bolofej New Testament Nupela Testamen long tokples Konai long Niugini

copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 7 May 2025 from source files
dated 8 May 2025

8c47cab8-fc6e-524e-936f-c52eba70db94